

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
NOV 4 1939

T 3194/4260.83

13

南昌府志卷二十七

名蹟三

豐城縣

勅書樓 在治前宋慶厯中郊尹修輔所建邑人周謬作

記蘇東坡北歸過讀擊節稱賞今失其址 縣志

江山秀傑樓 宋劉充字實之曾任淮東提刑與于竹園

盛溫如齊名時號三傑元州尹陳元凱用熹詩叛江山秀

傑樓於明倫堂後立三傑祠於下祀之 縣志

相農樓 在令署後跨子城為之 縣志

寶氣樓 在文明門城上署縣事通判陶以詩建舊為課

哈佛大學漢和  
圖書館珍藏印

文之所今廢 縣志

邱士毅寶氣樓燕集詩雨歇三春後樓開四望中野航凌浩淼平楚間青葱飲劇浮新玉潭深起暮鐘驚人詩在耳帝座若為通

寶翰樓 在城南唐太宗伯大章致政歸建以藏御賜諸

物面平港湖遙對文明塔今存石額 縣志

味書閣 在東山宋侍郎徐鹿卿讀書處有御書味書閣

遺安堂六大字 縣志

徐鹿卿謝表書帷夕說閱日未幾易畫芒寒自天有隕神筆一施於潤澤御毫倍長於聲光目盡駭於榮觀手不知其自舞臣某恭以我宋淵微之學每因暇日遊戲於法書有如私室之扁題尤示聖恩之優異或野處賁詞臣之第或懋功旌勲舊之間藏在名山具存彝典歷數西江之盛事於昭列聖之宸奎太祖表洪氏之義居光堯書萬里之

齋額然名德乃膺是眷豈么微可擬其倫伏念臣少也多奇長而無述短檠二尺妄窺往聖之微言破屋數間近守先臣之故址苟焉葺理於以藏修讀書之眼已昏負郭之田何有謂學問求放心而已而貪賤庸玉女於成得一善則服膺食知其味恐多財而益疾獨遺之安英華自咀於窮年夢寐不忘於清夜淡而不厭樂以忘憂此微臣飭已之私亦古者型家之意輒因間燕乞假寵靈方虞鉄錢之誅忽委琳瑯之賜色齊南斗奪星軫之光芒勢聳乾龍煥雨簾之晶彩增盤谷山泉之重貫豐城干莫之精陽和不擇地而施海宇舉聞風而起茲蓋伏遇皇帝陛下道包萬象天縱多能心上經綸本廣廈細蘊之論毫端造化回冰崖雪屋之春凡陪虎觀之清遊隨探驪珠而必獲察臣研精磨鏡之帖憐臣嘗躬耕隴之勞爰頒肆筆之書下飭窮山之陋臣敢不祇承帝賜仰對天章六字寶傳與六經而俱壽百金產薄期百世以流芳永垂訓於子孫庶酬惠於君父

補史玉隱堂 宋叅澧州軍熊方字廣居嘗補東漢年表

遂名其堂 縣志

宗賢堂 在龍潭智度寺右宋尚書雷宜中建祀徐孺子  
王季友胡安國等十二人買田以供祭祀藏書數萬卷縣志

心廣堂 在龍光書院夏陽熊世基兄弟所建朱熹為之  
命名曰心廣并作記縣志

瑞芝堂 明成化四年芝產學宮建以紀瑞盱江張昇有  
記今無存縣志

棲碧軒 在邑東爾嶺羅自強建大學士朱善作記縣志  
濯纓亭 在濯纓巷口江干舊為閱稅之所今廢縣志

曲江亭 在尤所山往來吟咏甚多後改三賢祠即今龍

山書院縣志

唐李義山曲江亭詩家住千峯紫翠邊總無餘力買江天  
偶陪禁苑衣冠集還結磯山杖屨緣煙艇垂綸紛可數風  
帆信棹去無前作亭誰助臨觀興只為鱸魚也自賢明  
李夢陽清明登曲江亭閣寒食花猶麗豐江柳處深此行  
元感慨落日更登臨浩蕩五湖際風烟千里陰坐看舟楫  
急徒切濟川心 李啓美登曲江亭同劉兌陽興來魚艇  
暫盤桓陟磴捫蘿上翠巒浴日江濤天際落傍人山色雨  
餘看亭臬話別秋雲杳斗下銜盃劍氣寒拚取劉伶今夜  
醉止堪白也共投歡

寶氣亭 在縣西北瞰大江黃庭堅嘗登此賦詩元時改

建劍江驛樓縣志

陸漸寶氣亭記豐城為江右巨邑地以雙劍重考之圖志  
張雷故迹距今縣治西南幾三十里而寶氣亭獨據縣津  
蓋後人託之以為觀瞻懷企之所江山橫陳城郭映帶連  
橋巨艘東西行者悉過其下寶一邑之勝概也嘉定癸未

居民失火燬焉於是零陵唐侯適撫是邑慨然歎因舊址而亟新之工不告勞民不知役閱數月亭成規模輪奐宏潤偉麗視地為稱一日顧子而言曰寶氣為奇莫知歲月然新亭延客步見於黃庭堅之詩百有餘年而不幸而毀於火亦幸而還舊觀子盍為我記之子謂物之興廢有數而山川英靈千古不泯滅當寶氣上騰之歲中原未變司馬氏骨月猶無恙也劍之出意者將為歲馬而迄中台之拆曾不得奏功一割其去而龍化宜矣然劍雖不留而所謂山川之英靈不在彼或在此嘗試登斯亭而望焉天高月沉夜籟虛寂斗牛之間疑若耿耿者猶在豈其感張雷之精誠而遇猶不遇終不睦於此乎抑是邦英靈之氣洩而復蓄將不屬於物而屬諸人乎則夫始察而終用之必有出於張雷之右者非侯其誰與歸侯名容字可大開禧乙丑進士敬而文寬而有立君子也

無劍氣年來  
牛犢在人腰

讓粟亭 在縣西二十里舊傳浮邱翁與其徒王郭二仙

昏夜食粟相讓因名

明一統志 在尤潭寺 縣志

徐孺子讀書臺 在楮山南角石崖高處旁有孺子祖墓

縣志

國朝唐光雲徐孺子讀書臺記出東城走五十餘里則楮山面日出焉浮青陰綠延望鬱葱崖峭於南荒臺半壁即漢高士徐孺子讀書處孺子世居山下路故由山下之隱溪入隱溪者亦以孺子之隱而名之也臺基廣十數丈磐石半厰側注小池空明一片間浮黑點莫識所以西為桃花巖石屋石牀有漚流從上懸洒書院在臺之北久湮於野蔓荒榛幾迷故址聳然峙於臺東者山號三角狀似髻古仙浮邱翁憩此焉十里之遙更繞翠岑乃鳳將九雛之所臺之正對為是稱最登是臺也遠覽近矚層巒環拱練匹夾飛幽花細草娟娟宜人洵為佳境先生吟哦其間俯仰朝

暮或嘯風而度嶺亦弄月以臨池且擲果以調猿更撫琴而引鶴雖嘗榻下太守之署宅東湖之濱終無以勝茲臺也嗟乎窮經將以致用堯舜君民事業如先生者詎不念之顧一繩無以維大木之顛楮山中早已見及矣讀書而不以書用并不以書傳冥冥鴻飛邱壑以老易曰君子見幾而作不俟終日詩曰既明且哲以保其身惟先生斯不愧讀書人也千餘年來欽英風者憑墟慨喟猶恍然聆警欬於蒼翠間其將執書以問之孫素徐孺子讀書臺詩吾愛徐聘君沉冥乃人豪諸賢構黨禍皎皎雲鴻毛平生讀何書身隱名難逃故宅照湖水荒墳翳城蒿焉知此山中笑兀

甘露臺

在海慧院去磯所山半里

名勝志

在感山海慧寺

宋淳熙中寺作經藏落成甘露忽降僧雲臥因作臺以紀其瑞

縣志

瓷窰園

在邑北舊為種花所競出奇品後廢為蔬圃惟

山茶三巷名存

縣志

劍池 在榮塘距今治二十五里塘卽獄基獲寶劍之所

秦始皇見東南有王氣埋雙劍鎮壓之晉縣令雷煥掘獄

基得石函亟剖得雙劍久之址濬為池每春三月三日池

上風雨迷離相傳劍歸朝故穴石函在池前二十四步四

脣長踰六尺餘廣半之塗沒其半土人訛為石門

自石函在池句

至此出能改齋漫錄

今全淪池中

中秋大涸略見掘之則興雷雨縣志

國朝

李德裕劍池賦丙辰歲孟夏月余居塗豐城弭楫江渚問

埋劍之地則有池存焉感其至靈之物亦有淪棄非遇識者無由振發雖人亡劍去而故事可悲因維舟俄頃為此賦云天地神物龍泉太阿光耀時促沉埋日多往者紫氣衡星時人莫識吳已亡而氣存寶乃隆於敵國既精感而上達當龍變而不息未遇風雨之會尚假雷生之力豈通

塞之有時何顯晦而難測我不自振掘之而得雖潛朽壤之中靡受莓苔之蝕誠宜英主用之提攜指揮內以靖諸侯外以服四夷為東序之秘寶備有國之光儀一見留於邑長一獲佩於台司始謂伸於知已終乃屈於不知既而長鳴玉匣躍入漣漪化鋒鏑兮奮迅煥精光兮陸離垂尾滄波斷鯨鯢之族矯首清漢讐江海之祇昔時在獄今成廢池寶常棄於茲土人載懷而孔悲况乎耶溪水涸赤堇山閉巧冶既沒作者曠世風胡已遠壯武復逝斯物倘存知者誰氏惟人代兮去不留嗟雙劍兮焉可求孫復劍池詩寶劍埋豐城棄捐滅年禩初如雙龍蟄默默重淵底春雷忽以驚駢首思奮起光氣干斗牛終夜顏色紫奇哉張茂先訪諸雷煥氏下取古獄中湛湛凝秋水精芒射人目利可斷犀兕我聞劍為用非惟翫好爾仗以去奸邪提以振綱紀是時晉室中奸邪若排指荀勗及馮統巧舌相表裏荀顛亦其人聚首為封豕同附賈公閭盛指南風美遂使五不可忽焉如西子晉室遠以危其亡可立俟因思荀勗徒未與犀兕比盡可血雄芒尸之向朝市劍兮既不用華也竟何以宜乎不自免委身於螻螻是為神物羞飄然失所指

洗墨池 在楮山讀書臺側宋胡瑗寓智度院註春秋嘗

臨池洗硯至今池水間浮黑點夏鮮蛙鳴人異之又有給

事泉清淺甘冽胡與子寅寓此愛汲此泉故名 縣志

九子池 在苦竹村晉穆帝時鳳凰將九雛飲於此 縣志

金花潭 在龍頭山下宋隆祐太后舟行為金兵追急投

金花於潭以祈風一說墮金花於此 縣志

王士禎金花潭詩傳是瑤華跡江潭獨黯然倉皇浮五馬  
憔悴掩雙蟬玉輦歸松漠金花投劍川忘機羨鷗鳥不識  
靖康年

金花口 在龍霧洲舊傳江水衝決漁人於斷岸得一金

鐘識者謂為宣和故物瑤華御舟經此沒焉至是乃出 縣

志

孝感泉 在道人山聖乘院內宋紹興中曹少卿戩奉母

寓此母喜茗苦院無井戩虔禱焉卽院之堂下鑿地尺餘

泉忽涌出取以瀹茗味極甘美人因名曰孝感泉

縣志

盛家洲 在沙湖邑人盛溫如所居有書院朱熹嘗過此

縣志

吳皋清墅 都御史李材與同志講學於此

舊志

羅徵君隱居 在羅山絕巘旁有柏塔遙望蕭疎可愛

縣志

志

魏少遊晉徵君羅山隱居銘開元間都督吳君競表徵君  
羅先生所居之鄉曰詔賢陳太守黃仲昭已封先生墓今

大厯五年余與觀察李君泌同守斯土表揚潛德責居守  
之官榜其書舍曰羅山蓋因先生而名其山焉并刻石於  
隱居之左俾李君書之先生以飽德為膏梁以令聞為文  
繡知有道義而不知有天下知有學問而不知有功名富  
貴不能淫貧賤不能易誦其詩讀其書以求堯舜之道  
曹鄴羅山徵君隱居詩掃葉煎茶摘葉書心閒無夢夜窓  
虛只因光武恩波晚  
豈是嚴君戀釣魚

雪坡書屋 在縣北十里感山宋狀元姚勉流寓居此

舊志

志

蛟穴 一在縣東二里許其中積水四時不竭舊傳蛟蟄

於此許真君以符呪逐之蛟遁一在縣北近城今湮為鎮

北廟按一統志及舊志云在西者誤

縣志

望夫石 在縣西二十六里高二十丈相傳昔人有商於



遠者其妻望之遂化為石 縣志

朝斗壇 在縣西北岸十里縱橫各十丈古松列植相傳

梅子真寓此築以朝斗 明一統志 在梅嶺 縣志

丹井 在朝斗壇後梅子真嘗害丹砂其中井水所漬多

化為禹餘糧土人呼為石中黃撥土即得之 縣志

文明塔 在故縣瓦子堆萬厯中署縣事陶以詩經始張

尹昌辰徐尹揚先馮尹起綸繼成之 縣志

白玉蟾手蹟 在始豐山石山有江右福地始豐名山八

大字旁有丁亥花朝日玉蟾子書九小字或云以劍劃石

縣志

半邊槐 在松湖濱江相傳許旌陽所植其樹幹只半邊

似久槁枯者而枝葉如故乾隆三年水決無存 縣志

漢徐孺子祖墓 在楮山讀書臺側 縣志

吳富春王孫志墓 在同造里大廸坑 縣志

富春王孫法墓 在同造里敷山 縣志

按孫氏家譜志權之孫法權之曾孫

吳王墓 在鍾城山 縣志

按舊志載孫鍾為吳大帝權之祖引續職方乘云在縣

西十里地名鍾城山今鍾城相去五里有鶴山即化鶴

地然考吳志孫堅家富春又廣輿記鍾墓在富春則此

處之吳王墓俱不足信豐志謂此當是孫吳後裔如志  
與法會封王爵者其說近是姑錄之存疑

唐中丞王子邳墓 在集靈觀北 縣志

按舊志載江西觀察使王仲舒墓在集靈觀北縣志云  
王中丞墓無其名又引韓文公神道碑載中丞王仲舒  
薨於從州歸葬某處不應有墓在此及訪集靈觀北墓  
碑乃中丞王子邳墓字畫完整可証王子邳本豐之雲  
嶺里人子孫祭掃如故其爲子邳墓無疑舊志所稱仲  
舒者誤

宋少卿范應鈴墓 在縣東勅葬 縣志

尙書黃疇若墓 在沅江上 一統志 勅葬 縣志

端明殿大學士徐經孫墓 在覺溪勅葬 縣志

元處士熊靖逸墓 在富鄉揭傒斯志銘

二八居士墓 在同造水南鄉居士係明徐中山王達祖

正德嘉靖中其子孫魏國公屢遣宗人祭掃 縣志

孝子廖立孫墓 在長安鄉東牢揭傒斯題碑 縣志

豫章郡公揭傒斯墓 在富陂歐陽元志銘黃潛撰神道

碑 縣志

瀟峯朱隱老墓 在瀟峯下宋 志銘 縣志

大學士朱善墓 在雷坊山聶鉉志銘 縣志

尚書黃宗載墓 在梨園岡勅葬縣志

郎中史安墓 在城西龍窟楊士奇表其墓安從柳升征

交趾陷於鎮彝闕不屈死當時未得贈卹後招魂以葬縣志

都御史孫曰良墓 在敷山勅葬縣志

尚書丁鉉墓 在熊墓橋鉉死土木之難奉勅招魂葬衣

冠於此縣志

封都御史李端明墓 在文岡鄭溪勅葬縣志

尚書李裕墓 在文岡橋裕配羅夫人先卒奉勅葬此裕

卒遺命勿乞祭葬擾鄉里因耐焉縣志

副使涂昇墓 在興隆岡張昇志銘縣志

侍郎熊懷墓 在長安溪勅葬縣志

尚書楊□墓 在銅湖勅葬縣志

贈太保雷禮墓 在范塘勅葬縣志

封侍郎杜士希墓 在港西揭坪勅葬配淑人游氏耐此縣志

靈臺郎楊忠懷源墓 在羊埂上源以疏劾逆瑾謫戍肅

州道卒於孟縣之河陽驛妻斬荻覆尸葬驛後此則招魂

葬此縣志

尚書李遂墓 在東山勅葬縣志

都督鄧子龍墓 在落星橋子龍戰沒朝鮮先時子龍渡  
鴨綠江得沈香木甚珍之至是刻其首酷肖遂合以殮久  
乃歸葬焉 縣志

贈尚書唐良臣墓 在漸頭嘯天龍勅葬 縣志

尚書唐大章墓 舊在漸所鄒家山勅葬夫人徐氏祔後

遷於嘯天龍 縣志

尚書邱士毅墓 在雷家埠勅葬 縣志

國朝光祿寺卿甘文奎墓 在潯塘梅山奉

勅葬 縣志

進賢縣

戴叔倫宅 唐戴叔倫為撫州刺史宅在棲賢山今為書

院 縣志

羅亨父宅 在邑東陽橋 縣志

徐鹿卿羅必元故宅記魏亭東六十里曰楊橋羅君亭父  
居之居西北偏良田數十畝泉流灌注不竭兩山翼左右  
窈然而深幽然而清君暇日經邱尋壑顧而樂之即兩山  
之口堰水為長川納奇貯勝度為別墅夾川雜植花木北  
為花島又北為書堂前揖嵐山五峯隱隱出水如筆架  
環堂種竹萬箇挾以二亭曰駐春日專壑稍折結竹為甍  
亭在蔽虧閒其西臨池亭曰知魚巨鱗數百與人意狎聞  
擊欄楯聲則駢首戢戢出就餌若有期約者半嶺素梅環  
立亭曰駕香攀援而上至嶺巔高絕處亭曰更好秋涼澄  
霽登亭北望康廬諸峯隱見於微茫杳靄閒煙昏墨淡莫  
可摹狀羅氏族蕃以林獨君素貧方其披捺剗翳自出意  
匠某所可亭某所可檻曾中有成屋矣而力弗及於是舉  
族不謀同詞隨所位置各出力以治其一而西南北之亭  
榭畢具惟東山居高面勝其下疆理或他屬越十年始一

之遂負山作精舍面三峯帶橫川人行鏡中隱凡可見旁  
關海棠洞與花島相映帶總而名之曰北谷君齊視外物  
自嘉定辛卯經始距今五閏在官之日少居閒之日多時  
時與親友幅巾蓑杖手挈酒壺茗椀徜徉其闕折芳弄流  
命席就蔭或焚香燕坐玩周程朱陸遺書味少陵康節坡  
谷諸詩靜觀本心消遣世慮陶然不知日之既夕其觸景  
遇事一發於詩清曠勁健務入於理歲在丁亥予與君偕  
調官中都執手論心恨相得晚既別為雞黍約踰年踐言  
相與上下山光攀翻草樹君奮髯傲兀自歌所制四時詞  
二兒垂髮膝下牽衣和之聽者忘飲飲者忘酒其後予赴  
七閩帥幕再更春而君實來顧念昔遊恍如昨夢君問語  
予曰士君子當出則思處予非惡乎出也出制於時處由  
乎我北谷者所以必其在我也竿牘苞苴人多智而吾愚  
伺候奔走世相先而吾後反而求諸北谷之天則真樂無  
往而不存既不能隨波而俯仰盍亦退處於人之所不爭  
獨恨飢來驅我欲遂放於寬閒而未能方將痛自損節聚  
俸入之贏增一室於東山之下而歸老焉子其為我記之  
予不敢辭夫素行足以糾宗族忘機足以信禽魚推而放  
之則民德歸厚而君子安與時止時行又何閒乎廟廊之  
與江湖噫嘻佩玉瓊琚不利走趨亨父隱矣天降時雨山

川出雲亨父隱乎君名必元字曰亨父第辛未進士今為  
福州觀察推官云北谷六十韻維北有谷在源之窮夾  
之兩山藏雲其中左麓右抱水流無蹤遠嶺前陳近山疊  
重實而揖之惟商獨雄爰作書堂匪庫匪穹羅氏之子於  
焉春容前為漁湖尾喁喁中為蓮蕩亭亭日紅後為橘  
州嘉植叢叢窩種菜桑苧衝從中窩種竹觀風北  
窩種梅目霜濃其木維何槐柏杉松其菜維何蘭蘆萱  
豐其維何桃李梨桐其菜維何瓜韭薤菘酒不待沽以  
鷗曹輩儕儂環以楊柳錯以芙蓉醪醖金沙隱映昌丰無  
龍不遊南北西東無時不遊春夏秋冬絕嶺之亭可瞰魚  
人之同或人啜之谷名可攻天北一方幽陰之宮萬物僵  
稿生意何從以是為名味味其胃我曰不然子非盲聾覆  
載之內仁體混融消息盈虛厥有始終天運自北造化溟  
濛水以一生五行所宗本葉歸根夔蛇蟄虫微陽潛機太  
化積功既屈則伸脈流氣豐發生非吉肅殺非凶何曾繼  
續有贊有隆默探此理靜返吾窮谷中有仁其體雍雍仁  
中有天其理庸庸我名元善我字亨通名之為元即仁所  
鍾元之為亨乃時之逢元在吾身造化為工仁在吾身天

下為公退而入谷吾體之慵進而軒裳吾仁之恭室家吾獨鄉黨吾崇郡縣吾細朝廷吾洪樂吾兄弟吾谷雍雍會吾朋友吾谷烘烘割雞飯母吾為茅容出乘小車吾為邵雍匪仁則私匪賢則蒙谷乎神乎尚啟吾衷

趙汝傾宅 在待賢里 縣志

黃時中宅 在恩榮里 縣志

包希魯黃時中宅記邑治右五十步曰少府橋由橋南又五十步至何嘉山前松江府教授黃時中可翁居焉年七十今天子尊禮老臣與庶老之年高者國老賜幣庶老賜帛有差時中凡再受賜始降玉色官綺越三年復賜金織二花紅錦時監縣為高昌袁州海牙君伯源以時中重膺恩賜遂即其地植垣揭版題曰恩榮里所以彰上德勵鄉井俾知所尊崇又著夫有德者之獲佑於天也謂希魯為之記竊計之進賢百里而廣戶四萬有奇而則十倍焉其閒固有仕而食祿者矣或罔克壽或弗際時迨沒齒而不霑寸帛者今百里內惟黃君以初秩兩拜恩賜非優於學懋於德未易致是也監縣之表厥里而復欲記之者豈苟然詔黃君哉過是里者其必致思而有得焉夫人君之

尊禮高年見諸經不一也古之聖賢所以倦倦於是焉皇  
上卑服罄府藏之儲再為天下高年賜苟為國老者不忘  
補過之忠而有以裨乎衮職為庶老者率其子弟以孝悌  
忠信勤身務本而不恩於有司則恩榮之被又豈獨高年  
而已哉

打更樓 在進賢程埠明初屯駐義兵遺址尚存 舊志

寓閣 戴叔倫所作在棲賢山上明黃汝亨記學堂峯後

有閣高三丈許名曰寓閣蓋取寓公之意 舊志

石灘草堂 邑人副使楊二和構 縣志

忠義去思亭 在邑治東一里今亭毀碑存知縣劉源清

建 縣志

楊林忠義去思亭記略正德紀元闔權紊政江藩宸濠乘隙弄兵歲丙子東平劉侯汝登自饒之德興遷進賢以邑

適叛穴思患預防勤教閱以興武備增險隘以固封守越  
 已卯醜藩蠢動分遣渠魁欲盡奪郡縣符侯聞變歎乃咨  
 議於前太守進封京兆尹萬公季崇憲副姜公士元楊公  
 恭甫共築城為死守計擒遊說搜姦隱伏驍勇於要阨以  
 待其來侵之師逆戚叟伯領郡賊□□□□□□發  
 殲首級數十擒婁伯等斬之以杜覬望因諭眾曰春秋傳  
 曰大夫出境凡臣子叛君父苟有利社稷專之可也若侯  
 命而行則事去矣况亂臣賊子人人得而誅之乎吾固假  
 軍法以從事吾命出而有違者按此法豎精忠報國旗於  
 縣左積柴環室泣囑其下曰倘逆濠自來當背城力戰吾  
 志滅賊否則舉家有死而已若等即焚之毋令污賊手也  
 眾咸感激思奮鄉之豪傑亦率其子弟應嚮赴援勢大振  
 賊氣沮用偽詔以渙眾志侯怒焚於庭而斬其使檄約旁  
 郡舉兵勤王走啟於都憲王公聲罪討賊惟侯與吉安守  
 伍公時泰豐城令顧公民表之功居多俘未獻而侯以急  
 缺風憲赴召道出鉛山元老鵞湖費公迎至客次拜而謝  
 曰東南半壁賴公保全矣及紀功臺諫廉得侯實跡相顧  
 歎曰我朝養士幾二百年能臨難不變以成天下事者惟  
 此人也侯初去時士民送至縣東垂泣曰吾民再遺噍類  
 侯之賜也何以報之庠生顏經江滿等曰我侯別於此我

輩送於此泣於此即此建亭樹碑以志思於不朽可乎  
 曰善適貴倖方爭攘侯功邑弗敢越二載皇上御極功罪  
 昭明侯以監察御史擢大理寺丞士民咸以言適湯溪胡  
 侯時章以進士同年故避嫌弗果又二載宣城吳侯性夫  
 蒞治凡期月弊革廢舉政適人和士民猶不忘暨列稿暨  
 天下之士至於期者屢以言性夫喜曰揚前人之美以勸  
 後吾志也卜地得吉耆民張朝佐等請曰是亭吾民之思  
 不敢煩官鳩工集材未終月而亭就性夫為之題其楹曰  
 忠義去思亭屬予記予爰述其槩如  
 右侯諱源清號東圃吳口辛巳進士

新城碑亭 在迎恩門十數步後為錢侯生祠 縣志

競渡亭 在軍出湖灣 縣志

江萬里競渡亭記焦氏始祖寬山西太原人中陳亮榜進  
 士仕至叅知政事出守江西沒於官遂家鍾陵之橙柴林  
 二世敬三世沃相因居之至四世麗字公華文龍榜進士  
 也元使宋急是年焚其居遷鐵爐坑之西岸下瞰軍出湖  
 湖有灣名競渡先生遊有感於中亭因作焉五月五日觀  
 龍舟吊屈原于平也適其時萬里過延而觀之歎曰地有

是名亭因以作豈偶然哉予請得而述之夫亭以競渡作者斯時旗招鼓擊挽子平之魂也低唱雄歌敘子平之事也迎之者錦色紅黃祀之者酒香遠邇平何以得此哉忠愛激人心也雖然汨羅之魂可能挽而到軍湖之上強楚之事可能敘而為今日之情耶是平有千萬世之忠憤楚不知而水知之先生有千萬世吊平之悲楚與水皆不知之惟競渡之亭所以表而出之也

園趣亭 豫章胡叔俊隱居官溪之上乃祖西園築亭其

閒命曰園趣 揭文安集

寶氣亭 在邑治西今廢 縣志

魏亭 以徵士名在邑治西三里今為社學 縣志

趙時福魏亭記魏者徵士姓也亭者顏師古註漢書云秦法十里一亭停留行旅宿食之館進賢古為鎮宜有亭古之為亭者必取古跡為之杜預註左傳凡地名下多云今某所有某亭如盩於唐註云高陽方與縣有武唐亭會於

清註云濟北東阿縣有清亭此類非一也以徵士之賢故以姓名亭若郡之孺子亭徐賢亭聘君亭亦斯義也故縣治舊有景魏堂尉廳亦有三賢堂皆本徵士也嗟夫其生也上能致有國者徵召其沒也下能使百世之後其姓與邑俱傳有非偶然而得也居斯邑者不必以失其名為恨獨當思其所以致此之由反求之吾身苟不自植立與草木俱腐豈不惜哉語曰見賢思齊詩曰高山仰止

飛昇亭 在麻姑觀包真人飛昇處天順中建亭其上 縣志

嘯臺 在北山上元判官辛好禮築臺以備譙望謹斥堠

上為亭記死節之士 縣志

包希魯嘯臺記略龍興路判官兼領水軍千戶大梁辛君好禮平亂之二年作臺北山之龍岐江西行省中書平章政事道童公扁之曰嘯宣其志也北山踞郡城之東有輔車唇齒之勢地險在焉臺以備譙望謹斥堠非為遊觀也



其上為亭附祠死節之士激勸係焉當淮蔡之兵持挺而來南逼豫章四方久安承平戎政未詰而豫章省鎮所蒞蒞為重藩旁求人才以濟厥猷君適以道州錄事判官待期於郡遂守東門以智勇退敵能召用彰守安公謙以君嘗尉進賢大得人和言之藩臣承制授君縣尹以往扞禦君單騎湖上以糾義兵民咸來趨將壯勇數百輕舸百艘至行中書力陳事宜請與水軍千戶定任子靜運兵相援鼓勇以進殺溺萬數功狀上聞陞郡推官一年之中戰數千合焚舟千計勢乃大戢自盧溥至於鄔子延表屈曲二百里咸置斥堠間牒潛通復大敗之於大勝岡而江東之民日益來附適丞相奉詔南征知其勳烈賜以飲器奏兼水軍千戶仍令安集進賢巨黠夙兇采祈復萌即株剗之兵後年凶拊煦疏剔以養以活郡城北東地連南昌方數百里屹為藩援民悉歸義以自扞禦故藩府帥闕專力西南無東顧憂時都昌餘干殘枿未殄為官民患斯臺之所以虞備也夫定難以功崇功以志志氣帥也志銳氣勇功由以成平章公之名臺厥有旨哉昔在劉琨長嘯却敵人有弗察謂以暇整流為虛談嘗稽之傳嘯者感口出聲以舒憤懣之氣也蓋忠溢肝胆義切精爽是以憤鬱於中舒泄於外剛大之充於一體者其氣橫六合而吞萬象矣矧

夫秉節事君仗義討逆又豈不足以褫人之魄奪人之心者哉此君之所以成功而平章公之得其志也志之所在匹夫有不可奪况行三軍者乎臺之作也君豈自著其功哉君世宦族有聞人讀書工文辭忠義之氣益有所積也

賜樂園 邑人光祿卿楊峻構在邑治北 縣志

適園 邑人編修傅冠構在邑東門外 縣志

先春園 邑人都御史張臬構在邑治西 縣志

百川鶴圃 邑人都御史張臬構在邑治東 縣志

北源別墅 邑人提點楊龍偉構 縣志

病鶴巢 邑人助教侯復構 縣志

苗厰 宋熙寧三年立為雷正本為青苗會計使因家焉 縣志

漢江東易王墓 在崇里鄉今名易墓豫章古今志謂為漢高裔孫 縣志

唐魏徵士墓 在縣東四十里其母高氏墓在徵士書院東女墓在市東汪家港北 縣志

按塚廟記唐有魏徵士者逸其名棄官隱長定鄉因讀書於堯城山三徵不起故人稱徵士云今縣有魏徵士亭魏相公廟是也

宋知樞密院吳居厚墓 在歸仁鄉初勅葬鍾陵鎮賜奮德褒賢之碑後又奉勅改葬麻仙山立祠楓林命學士強淵明志銘即今處也 縣志

直寶章閣羅必元墓 在崇信鄉自為銘 縣志

贈太保兵部尚書萬恭墓 在鶴仙峯頂萬厯中勅葬 縣志

贈光祿寺卿萬燦墓 在鶴仙峯山腰崇禎中賜祭葬 縣志

國朝贈兵部尚書諡忠愍傅宏烈墓 在北嶺康熙二十一年勅賜祭葬 縣志

奉新縣

鄒垣宅 鄒垣新吳人宣宗龍潛時與垣為友嘗游至其宅後徵入朝辭不赴賜號清隱居士名其地曰駕山 人物

聚德樓

一名招賓館在縣西五十里宋進士陰應夢建

子幼遇居此招至賓客著韻府羣玉幼達為註釋傳於世

元許衡為記 縣志

華豐樓

在縣治南百步宋嘉定壬申縣令張均建燬於

火 省志

宋桂如麓華豐樓記天地至和之氣聚於人心之微散於萬物之表雖無形也故以和召和則噓為祥風蒸為甘雨孚為華豐年斯人之情有莫知所以然而然者此華豐樓所由作也新吳跨馮水以畫疆而治於其北氣象平行面勢闊博北趨江淮南湊荆越道路四達商賈會通井邑繁盛民生殷阜號為江西望縣然官有權酷而市無酒樓不足以導斯民權忻怡愉之情邦人數有請莫克建立盱江張令尹以嘉定庚午八月來宰是邑

本之以慈祥樂易而行之以勤果練密蘇醒潰疣灌垢剔蠹百里之民日相安於無事一年大熟二年又熟三年如始至之年租賦不督自辦耕夫饁婦扶老攜幼間行於桑疇麥隴之外邑之士夫耆老合詞請曰人之情久鬱而忽暢則舒久抑而忽快則喜吾邦厄於旱蝗幾年於茲自公之來歲乃屢豐盍思有以遂其情令曰登春臺者不期適而適游醉鄉者不期樂而樂諸君其有意乎於是鳩工掄材因農隙以役民創於縣治之右其崇三十尺廣五十有八尺而深減廣之半中為閣以延高陽之徒後為便室以附麗之塗葺於壬申九月輟手於癸酉正月樓成未名合曰是樓之設非以縱民之飲將以快民之欲也非以罔民之利將以迪民之和也人之喜莫喜於時和歲豐昔人嘗取其義以名詩今我揭其字以名樓何不可耶羣然曰甚盛甚休復走書白其兄西昌丞曰邑之令於兄有舊今又同僚幸及此意為我記之僕辭以不文不獲因綴其實以紀歲月夫由古以來莫不以作邑為難而為政之道亦有先後次第今能從容不迫易其所難無一毫促急之政以感召和氣非才具不凡者能之乎迨撫字策勲又不忘所以納民於縱快酣適之地以為新吳山川無窮之壯觀可謂知所先後矣然則登斯樓也醉春風於四時詠華黍之

遺意功將誰歸邑民嘗壯其政以借留又嘗載歌詩以序鄉飲不繫於建樓本末故不書合名國均尚書簡肅公之孫故其設施皆有條理云  
嘉定六月八月十五日記

懷種堂 樞密劉公以大資政作藩隆興得奉新三鄉寓

稅之弊上聞悉蠲除之三鄉之民相率作堂畫公像於其

間以致瞻竚之敬楊萬里名曰懷種堂 縣志

宋楊萬里懷種堂記乾道四年樞密劉公既登用善類復聚國勢大競天下仰目指期中興而公孤忠崇崛不少斲利疾視嬖邪畢力擊排既牢不可動則歎曰道行則吾止道止則吾行是不可竝乃以大資政作藩隆興至則旁搜民瘼孰為疽根弗彌弗蕪我則滌除俾罔後災首得奉新三鄉寓稅之弊欣然上聞其明年特下轉運悉蠲除之為錢三十五萬有奇為米若干為帛若干命下而公已遷荆州牧矣於是三鄉昔無田而有稅者今無其所有昔有鄉而無民者今有所無又明年五月予來令奉新三鄉之民相率作堂畫公像於其間以致瞻竚之敬十一月某日

堂成予移官成均將行邑之士民來請名且記予不得辭名堂以懷種種言德懷言民也於是民皆歎曰微公之恩吾其不守邱矣予曰此非公之恩也於是民皆不悅予重告曰爾不見前之君子乎聞興民之利則勇於敢聞除民之害則勇於不敢今公之言朝奏而上之命夕應然則此非公之恩也上之恩也於是民始悅予曰亦公之恩也於是民皆大惑予又重告曰爾不見世之君子乎一言而為民百世之害也彼不曰害民曰利國也國可利也民可害也不可害也而觀民有其害而國不有其利與然其人猶矜曰吾知忠於國也且夫國之所立其所恃者誰也日夜搖其所恃以忠其主是忠不忠也一言而除民百世之害如公有不有也然則此又公之恩也於是民始太悅三鄉曰進城曰新安曰法城

帶經堂 在縣郭外宋直學士余驤建 縣志

西峰塢草堂 在縣西五十里頭陀山之右 縣志

東甌講堂 在縣治馮水之北為縣令胡以溫建胡號東

甌值順治戊子之變能保士全衆暇則招致士子飲酒賦詩邑人懷其德因建堂以志不忘縣志

靈境亭 在百丈山唐宣宗嘗游此有日月每從肩上過

山河長在掌中看之句省志

鎖雲亭 在仙山壽聖寺前今廢縣志

龍山亭 在獅山至元間縣令楊珪張治民相繼創葺并

刻名賢詩若干首元季燬縣志

仁智亭 在富陽陂山巔宋縣令沈雲舉創後遷於獅山

易名舒嘯今廢縣志

來溪亭 在縣治西南前有放生池竝廢縣志

此君亭 在寶雲寺宋縣令李平愛竹作亭爲之記蘇軾

嘗登此君亭觀李君文求其本而去縣志

李平此君亭記新吳縣之東北有寺曰寶雲寺之西北有院曰大悲地最高曠林木陰翳院僧可蟾儻工掄材結亭於林下龍江子一日登亭僧前乞亭額龍江子徘徊良久愛其竹青茂因感東晉王子猷之言曰不可一日無此君遂以此君名之有客詰之曰甚哉子好古人之言而不思其實也世謂上則君之公之次則侯之子之以其有是德故予之以是名苟無是德或名分相遼則爾汝之彼物類耳子愛之又取子猷之言目以此君之名不知此君之名不掩其實者吾將語子以此君之德孰愈因代此君曰予生而柔長而剛深根固本虛心直節聳其枝幹不爲塵染鬱爲平材足以庇物若夫花芳木秀紅紫錯雜余則守東方正色不爲奇巧艷媚之容矣赤日流空爍金石焦土壤高閣峻宇不能逃炎酷蒸鬱之氣余則來清風以濯熱生微涼而去暑露白霜凝岩巒葉落原野草黃子則倚倚而美青青而藏風凜雪凍巨木幹枯余則歲寒其心不改其操言未終客曰語其德則美矣然則何時獲用也此君曰

苟有用我者覆之棟梁之上則足以庇風雨立之柱石之  
間則足以禦穿窬工採為器則物無不容鳳採其實則世  
無不治製之為筆則可以書天下之善惡執之為鈞則可  
以取北海之巨魚列為籟則貴為宗廟之器截為管則和  
聲簫韶之笙削為簡則可紀君臣之功過方今聖君賢相  
選用賢才內則美教化政事以迪道斯民外則鼓良將勇  
士以震懼戎虜英聲駿實豐功茂烈藹然已軼乎唐虞成  
周之世將欲備笙簫以合韶樂列簡編以紀功勳吾將獲  
用矣此君之名實孰愈哉客聞之赧然改容愧謝而退龍江子因書於壁以告來者

水心亭

在天姥宮前順治間知縣黃虞再建今廢

縣志

溫泉亭

在九仙山泉一溫一沸上有亭

省志

宋黃庭堅溫泉詩九仙瀝和湯浴此二水牯主人無施心  
冷煖各得所道途開十方瓢杓汲萬古欲聞源從來大雄  
山有虎余秉清九仙溫泉詩羣仙駐輦區一水湯爭熱  
信知和氣充猶說丹爐燕射日漫荒唐浴沂同澡潔傳聞  
往昔云火井源同穴

梧桐書屋

在進城鄉羅坊鎮南唐時中庸誠明兩羅先

生講學之所多出梧桐故名

明一統志

吟溪書屋

在縣西三十里明邑人陰鏜建

縣志

胡仲堯學舍

仲堯構學舍於華林山別墅聚書萬卷大

設厨廩以延四方游學之士

宋史

馬投潭

在中會村因司馬頭陀投水故名

縣志

劍井

在南鄉羅塘大澤村濶五尺深一丈徹底皆石色

純紫相傳許旌陽自柏林得劍至此試劍透石迸泉為井

故名

舊志

許一元劍井賦予生自章門長饒南邑征衣四出故里罕  
經父兄往往為余述家乘名勝及先賢吟咏輒心慕久之

辛卯之歲余獲雋歸里望虬嶺朝雲玩龍岡夜月聽前坊  
牧笛和後村樵歌閱大澤春畊把羅塘晚釣濯仙壇秀水  
飲劍井香泉裴徊俯仰與父兄所言不殊而劍井之蹟適  
當諸勝之中瀏瀾頓挫稜痕可觀飲之則病者愈渴者蘓  
縞綆就汲心曠神怡洵功德水也匣光劍影今尚有存者  
乎感不絕心賦以見志其辭曰維神功之汜濩貽劍井於  
羅溪銀床湛冰壺之皎金罍漱雪乳之奇對溫泉而競爽  
抗丹井以匪夷爾其石崙囹圄鋒鏑劇劓罅隙流馨朱厓  
醅紫輓轡千家而不竭灌輸百畝而胡底起篤疾於濱危  
甦暍人於垂死無羸瓶之可虞有植杖之堪指疇不飲憲  
而席床奚啻標竹之元軌若乃味甘如醴色白如銀清光  
映漢和氣噓春古苔封老翠於玉欄碧梧落新青於素紉  
不斃不淘隨挹隨臻類三皇之鑿開混沌陋伯益之浚砌  
比鱗厯浩劫而不改經千祀而猶新疑神物之呵護紛郁  
郁其靈陳信乎下穿地埏之脉上通天河之津是以酒泉  
恒酣石墨黝班司命半淡綠珠冶顏風粉金雲旌其異浪  
潮瀾灼殊其班銅人遏瀾於盤固金喙作祟於華山潛室  
土羊之異熒臺女國之間彼皆標奇而志怪麗諸常經而  
可刪若夫紫陽藻幹清滋一曲旣渾脫兮瀏瀾復源流兮  
接續湧瓊漿以滌沉疴滋瑤泉而洽比俗無羨乎吹簫女

子殆有似神農之既育宜其與百丈爭雄九仙儷美古今  
共錄豈人力之所能知非都仙其誰與屬亂曰有赫斯實  
上帝所式受之柏林厥石是卽鏗兩劃然甘泉湜湜沐日  
浴月養生去疾惠我人斯無疆無極水斷蛟龍有如此石

劉真君丹井 在昭德觀晉劉道成煉丹所宋元豐七年

蘇軾過此題云五月九日寓新吳同縣令李志中謁劉真

君祠酌丹泉飲之卽此井也井久埋明宏治中知府祝瀚

掘井數丈得印劍各一劍攜去印在本觀省志

涂七公井 在縣治七公廟前初七公卜築縣治爲民鑿

井象七星此井水尤甘省志

冷井 在縣治立行坊蔬圃中深三尺許秋夏不竭每溪

井汲其水清澈如鏡今淤沒不知其處舊志

司馬井 在縣西六十里頭陀寺後相傳唐司馬頭陀精地理為百丈大智禪師卜今寺址囑云俟我出千里外始開基不然於我不利言訖辭去望日師遂開基變怪百出師不為動怪逐頭陀至中會村知不免乃赴水沒頭陀有仙術遂逆流而上從井中出焉故名 舊志

浮雲丹井 在浮雲宮前 縣志

樓子庄 在縣西一百四十里宋岳飛追叛賊李成於此大破之 縣志

鎮蛟石 在縣西十里延真觀內舊傳許遜吳猛二真君逐蛟入穴以巨石書符鎮之有碣尚存 明一統志

試劍石 在縣西八十里有巨石中分相向如削舊傳許真君逐蛟嘗試劍於此 明一統志

游魚石 在縣治東南馮水中石廣數畝狀類魚遊其大墩舊倚山南岸因洪流澆澗遂徙河中一柱中流四山環翠知縣黃虞再建九天閣於其上今廢 舊志

鄧元之游魚石記略曰邑之東南有石突出中流狀類魚遊因名之其石廣四畝如砥水觸之成聲風盪之成紋逕路陡仄無級可躋上有一庵魚聲隱隱煙樹迷離名公韻士常喜登眺焉一日邑侯黃公泛舟遊覽曰此砥澗也雲水來親會心自遠建閣其巔與東壁文峯並峙公餘集秀彥操觚其中顏曰元社

鎖石 在縣東二十里許真君逐蛟鎖此石以鎮之故名 舊志



師承發鎖石記去邑城東北十五里厥土下下於曠衍中忽有嶽然負土而出者爲鎖石高三丈圓圍五尺石根蟠入無際石面突兀凹窪苔錢斑駁不成文叩之鏗然有聲小溪環繞如帶四望羣山積壤中蹲者坐者俯者仰者箕踞者偃蹇者僵臥者皆若拱揖而茲石獨雄據其中相傳許旌陽鎮蛟之石莫可攷據又未經高人品題歷千百年而不毀獨立而能永貞者非偶也石

磨劍石 在城東北小山下片石橫斜上有磨劍痕相傳許真君逐蛟淬劍於此 縣志

仙虎跡 在越王山世傳文簫綵鸞昇仙處有二虎跡彷彿於石山 明一統志

朱本初虎跡詩越王山上歷躋攀瑤草葳蕤覆石壇絕壁無梯人跨虎層霄有路女乘鸞千年鼎灶苔華濕五夜樓臺桂影寒塵世瑤京原不遠鳳簫聲在碧雲端

九龍池 一名劍池

在浮雲宮前宋胡仲堯創建華林書院學

者嘗洗硯於此故又名墨池 縣志

李八百石洞 在縣南三十里浮雲宮西洞口甚隘但可

側肩而人行數十步漸高其深莫測或云高安郡圃亦有

李八百洞與此相通唐開元初孫天師智諒受張天師法

妙書藏此故又名天師石室 明一統志 洞口橫石如額鑿八百

洞天四字後書蜀弟子閔敬中題入者層下十餘步乃得

一洞潤丈餘復有一門如前縋下而入闊亦如前其第三

層四層其門更隘望下水光蕩漾遊者至此不敢復下矣

今洞口淤塞額猶可辨 縣志

余秉清八百洞詩仙人竟何之仙宅在人世別有蓬瀛天  
深藏鉛汞祕環門流水響曲徑陰霾翳聞道去尋真白雲  
自開

仙姑壇 在元秀峯姑即李八百之妹明香真人嘗修煉

於此 舊志

柳公權法正禪師碑 在百丈山大智院師以元和十四

年示寂歲久碑多殘缺 碑目

柳公權石刻 在百丈山西石壁唐懷海禪師闡法山中

稱百丈祖師柳公權為書百丈清規四大字 名勝志 百丈志

及陳芹遊百丈山記俱作天下清規今查山之北有巨石

刻天下清規四大字旁小字模糊不可辨或云此非舊刻

舊碑為兵燹所廢今無考 縣志

流觴曲水 在百丈山西北唐宣宗避暑時尋山窮源鑿

石引泉疏為九曲每曲置石墩一坐又為石梁跨水以通

往來趙孟頫大書流觴曲水四字鐫於石壁 名勝志

雷壇古鐘 元延祐己未鑄上載涂孝子自為銘曰橐乎

籥乎氣一鼓天地陰陽熾爐火萬物範形金合土淬入玉

池出丹府化鈞自運俱無所孰為之工眾父父昊天罔極

早失怙無量度人功德溥誦經數萬不脫口澤流三族昇

七祖母也天只久疾痼 縣志

石佛墓 在越王山相傳顧主簿初開富陽坡後河得一

石人骨連鎖子形如佛像背刻詩云吾死五百年靈骨臥黃泉若逢顧主簿送我上高原顧因昇葬越王山縣志

按本邑主簿無姓顧者抑或署任例不登名故闕其姓

氏歟縣志

木人塚 在百丈山東南大智禪師創寺木人爲之開○

後葬此因名縣志

吳建昌都尉太史慈墓 在南鄉地名感古豫章書

唐校書郎劉春虛墓 在縣西北越王山東原一統志

明陳忠肅宗禮墓 在從善鄉杏林岡勅葬縣志

吏部尚書蔡恭靖國珍墓 在奉化鄉石溪諭祭遣中翰

左光斗營葬鄒元標志銘縣志

國朝贈叅將李永昌墓 在同安鄉永昌以死難

予祭葬縣志

少保甘莊恪汝來墓 在進城鄉陰村蓮花菴乾隆五年

勅賜祭葬大學士張廷玉志銘縣志

靖安縣

袞繡堂 在縣署內東北宋嘉泰間進士曹幽曾簿茲土

後官禮部侍郎諡文恭在任多善政後人思其德作此堂

以美之縣志

雙峰堂 在縣治後宋舒邦佐鑿天澤池築臺建堂扁曰

雙峯

舊志

在縣北五十步宋淳熙間邑人舒邦佐第進士

歸築此堂以見志

縣志

舒邦佐雙峯堂記予竊第歸厭舉子業平生纏繞肺腑欲以古書一浣之家近市囂耳聒心蕩一日窺後園古木環合桑柘蒙密平林高峯如竦如揖出沒隱見去城市不步武而得幽人隱士之勝築室三間尾以一軒堂之中有二山闔以入開牖迎之晴則髻縮鬟結蒼翠玲瓏不黛而綠不櫛而勻雨則飛雲浮霧冥濛其間舒卷濃淡變化無常霽耶雨耶無不娛目堂名雙峯志其實也軒不壁而窻環修竹植名花竹簟紗厨籐床石枕夏日虛閑清風颯至不減羲皇上人名以北窻志其宜也面堂鑿兩池無活泉雨則溢名曰天澤池上有橋觀月尤宜新蟾弄影雲霄間摩挲烏藤牽挽繩床或坐或倚少焉月色如水雪冷侵則恍若廣寒宮不覺人世也故以待月名之堂成終日徜徉坐則深文賦義名章俊語相與為莫逆起則煙霞吾朋徒林泉吾嘯傲花石吾娛嬉蓋未一日不居或過予曰淵明之松菊彼仕者而思此時之不可仕也白公之石樓彼功名粗了奉身早退為自適者也子於二者無有奚翫於此曰

不然退為進基靜為動主靜與退不錮夫心而一於動而進也則射利抵壚舐痔嘗糞亦恐不免何則誘乎外無以制乎內也若軒冕之念輕山林之意重則儻來富貴於我如浮雲而蒞官行已必不肯少負名教故能成天下之大功名者每每於心在功名之外者得之余將植根本於斯也若夫出而為雲乎為雨乎為鵬乎為鷁乎則又聽造物者處之而已無適不可也客曰有是哉退而書之

寒泉堂 在縣南二十步宋紹興中邑令吳秩創元季兵

燬明知縣衡守敬於遺址創急遞舖久廢一作吳軼誤縣志

製錦堂 在縣西五十步宋紹興中黃宗諤建元兵燹明

衡守敬作館驛後又作縣簿解久廢縣志

深柳書堂 在棠棣都桃源山劉脊虛讀書處縣志

水木清華亭 宋楊億知靖安縣治尉圃得舊詩碑於榛

莽間皆前代名士所作乃用曾南豐詩正在清華間句作

水木清華亭於縣治中名勝志今廢縣志

按省志云謝混詩水木湛清華文公名亭疑取是語名

勝志乃云用南豐詩羣生億後數十年億何由用其語

耶其謬殆不足辨

植芳亭 在法藥寺內明正德中知府李承勛以勦賊寓

此寺十月手植柏四株於法堂前知縣萬士賢建亭美之

名植芳久廢縣志

萬士賢植芳亭記略曰正德辛未冬十月太守李承勛別駕汪穎領兵勦賊寓於法藥寺植柏四株於法堂之前衆

皆謂植非其時不活既而四柏挺生枝葉盛茂士大夫皆異之曰我侯之德有回春之力因名之曰李公柏作植芳亭於法堂之前非著異也以彰德也昔者寇公遺愛枯竹復生元奘西回樹梢轉向其潛乎斡旋之妙豈人所能測哉蓋氣機之相感者微矣今太守於隆冬之時植柏茂盛其亦可以因彼而識此也太守平寨已回郡城士民於柏不啻甘棠憩稅之思既建植芳亭以表之竝記之以見不惟其物惟其人且不惟其人惟其德也

雙溪亭 在縣北球場之東縣志

百花亭 宋紹興中縣令黃宗諤建在廳事後名勝志今廢

縣志

出谷亭 在縣廳之東南宋崇寧間知縣謝宇建舊志

按謝宇建置無可考黃宗諤既建製錦堂則出谷百花

二亭或為其所建名勝志亦載出谷亭邑令黃宗諤建

與縣北出谷山相對有僧權概寄詩云嗟我出谷亭寂  
寞彭澤令絕景空自奇高標岌相映見省志而縣舊志  
則以爲僧權巽中繡谷山詩字句小異幽谷亭作繡谷  
山彭澤令作此中冷絕景作絕境又縣舊志載楊億出  
谷亭詩云幽谷雙溪去復廻舊吟詩卷得重開分明此  
意宜修斂珍重南豐待我來但注明楊淡軒詩未知孰  
是縣志

釣亭

在縣東五里

名勝志

在東江都烏石里邑進士呂延

年令靳春歸築亭先塋之側日把釣其間名曰釣亭

縣志

張叔夜呂延年釣亭詩豫章富人物歷數煩僂指先生釣  
璜孫盛德邈相似却顧洪徐輩瑣瑣詎足紀修竹照清漪

邂逅聊復爾吾君邁周文未聞獵渭水矧此江之湄相距  
數千里會遇倘有時必爲蒼生起應銳咏釣亭詩清瀨  
繞魚磯結茅巖石隩匪因鱸鱖肥寧甘任公老緬彼披裘  
翁千載富春好先生嗣祖音益礪磻溪操丰骨本堅道高  
尚非潦倒逸興滿江東紅塵常獨掃當日垂綸意奕禩思懷抱

桃源

在縣西北四十里唐校書郎劉沓虛故里別創深

柳堂讀書其處宋劉君實亦隱於此自號支离翁

縣志

漆高泰桃源歌武陵傳說遇神仙再問桃源已窅然元亮  
去後山水遷津迷何處訪高賢此源非是避秦躋此處桃  
花不浪傳山城畫裏縱盤旋奇峯兀突摩天圓名山橫列  
鎮前川兩水夾鏡絕塵牽漁舟夜泊歌扣舷土門空豁綠  
楊偏中有神皋百頃田晨興理穢帶月還雞鳴未未犬輕  
猿黃髮垂髫自年年我來此地卜居塵依山結構足酣眠  
幽窈之中曠且平四時遞嬗樂相緣春輝鶴嶺嵐拖烟雲  
峯響石草芊芊時雨東來好風連良苗懷新鷺渚拳巖阿  
避暑列寒泉寒泉清可沁詩篇柳陰一曲奏暮蟬名山牧  
笛起炊煙金風吹桂菊舒妍蟹肥酒熟慶尊前團團坐月

笑語闐露白葭蒼雁羽翻凍徹梅花雪裏娟幽香兼憶剡  
溪船懷芹負日向西樓俯仰無慚影自全平陂世態任回  
旋心苦形役皆自煎別有桃花浪入千朝來且種火中蓮  
劉叟芳踪要可攀孝友家風著簡編五陵諸子如相問僊  
乎僊乎  
在樂天

南橋 距城半里許周圍平曠流水潺湲清秋月夕遊人  
登臨輒生曠懷 縣志

繡谷 在吳憩山之東時出雲氣與山掩映隱顯明滅瞬  
息萬狀宋僧巽中嘗至其上吟咏 縣志

鶴嶺 近名山在棠棣都深奧岑鬱地勢奇險相傳仙人  
放鶴學長生之處宋諫議洪芻作記云右鶴嶺左名山是  
也 縣志

龍岡 在縣西四十里峯巒奇秀草木蒼鬱道書載異人  
隱士多出入於此 縣志

磨劍池 在熊仙都凝禧觀前相傳許真君磨劍於此其  
田化爲池池水灌田數百畝至今不竭 縣志

劍泉 在東江都香田張家邊有一巨石許真君至此馬  
渴卓劍石上遂涌清泉 縣志

石船 在富仁都山頂有巨石長數十丈形如船中有石  
圓如鼓相傳許真君至此登山四望俗呼望蛟船 縣志

舒銑石船賦維茲船之瑰異兮匪人力之所營殆造物之  
靡測兮特獻奇於無窮置縹緲之峯頭兮泛積氣之溟濛  
俯羣山之層疊兮若翠浪之排空任衆流之日下兮肯隨  
之而共東爾其清秋雨霽明月滿山銀河夜現瀉影其間

儼一槎之浮星渚豈刻溪之棹初還又如長松夾嶺冲飈大作濤聲驟起震撼谿壑疑山形之欲動似危島之難泊若夫霜零草枯野燒蔓延如燎鴻毛烈焰侵天則周郎之攻魏軍於赤壁而戰艦之生煙時或雉蛇化蛟出於其側雷電交加澗水上逆則陽侯蕩子羽之寶舟而肆威以相逼其艚之烈石也如鼓之頓如星之墜如外國之帆至而貢異物於京邸是孰使之然哉則造物之奇也闕之匡廬有峯名曰鐵船吳許所駕遺石昭然夏后之世界力如虎陸地行舟自古莫有然則茲船也果神仙之示幻而界力之所推移歟吾鳥乎測之則信乎造物之奇也蓋嘗思夫天地之間一積氣耳氤氳萬狀皆其所爲人據跡而分別乃執類以相稽謂山之不同於水石之不可爲船而因以相疑也夫孰知春夏秋冬之通闕非卽川流之奔馳飛鳥走獸之出沒非卽遊魚之自如樹木之參差非卽其荇葦而天地之廖廓非卽其岸際而胡若是之膠膠爲且夫茲勝也仙姑後擁羅漢旁持偶焉至此塵襟盡滌心曠神怡非大地之皆苦海而是則其慈航以渡世之癡迷歟余將以白雲爲帆以高峯爲桅乘彼石船徜徉無極而又何傷乎具濟世之體質而莫之或知也哉

石魚石硯

在寶峯寺旁沙潭上石魚如木魚形有聲石

硯貯水四時清漪以手掬之隨涸隨盈不淺不溢

縣志

棠浦

在熊仙都又名棠港渡鷗飛鳧浴斷岸流沙水天

一色彷彿人在鏡中

縣志

謹母峯

在縣北十里許旌陽劉真君常於此拜謁謹母

縣志

曹仙洞

離縣十里與謹母峯相對瑤草丹砂樵者傳爲

異跡時有雲龍飛繞之奇

縣志

雙峯

在縣西四十里秀出衆山之上唐何葛飛昇處尙

有瑤壇石爐遺跡

縣志



丹井 在栖霞觀之東相傳劉真君煉丹於此 縣志

宋兵部侍郎李大東墓 在熊仙都勅葬 縣志

明蘇州府知府况鍾墓 在富仁都 一統志

武寧縣

伊叟舊宅 在縣西北三十里伊山之巔遺址尚存世傳

秦時有伊叟者織屨置山下路人以米易屨去叟除取米

歸不與世接蓋隱君子也 縣志

丁令威故居 在遼東山下舊傳丁仙冲舉處 地輿紀勝南有

觀鶴橋北有禮星壇址創丁仙觀 一統志

康叔隱居 在縣東四十里青牛洞口唐國子祭酒張寧

字康叔與盧杞不合掛冠遠遊聞柳渾隱武寧遂訪勝入

山至紫鹿岡青牛洞慨然曰紫鹿青牛非方外人不能狎

因家焉書臺釣磯遺跡尚存 縣志

甲秀樓 在縣治東南文明樓內萬曆四十五年知縣沈

景初建黃汝亨記 縣志

寒泉樓 在縣治東二百步古朝元宮前邑人潘儵建樓

跨井而豁其中每賓友登樓以轆轤引泉煮茗今樓廢井

存 縣志

望江樓 在長樂鄉宋處士盧祖愷能詩好客嘗於中潢

瀕河建樓名曰望江集文人飲酒歌吟一時稱盛其孫德

元築百花園袤廣十畝周植花木至今猶呼花園云縣志

棣華堂 宣和門內數十步宋邑人周友賢宅也友賢兄

弟八人竝以文學顯累世同居友愛甚篤寧宗嘉之旌其

門曰棣華又世德祠元至正間勅建縣志

雙桂堂 在縣治西百步南臨鶴溪邑人林維翰建中有

古桂二株婆娑如偃蓋縣志

鄭氏草堂 宋處士鄭刼別業也在縣治東五百步看鶴

橋側郊好學樂貧嘗濬池種荷養鴛鴦其中黃庭堅時相

過從縣志

足才閣 在舊學講堂之陰宋縣令吳彥夔建以藏書者

今廢縣志

東軒 溫陵呂晉夫為武寧縣於其歲豐民閑新作東軒

豫章集 在內署之東淳熙十年縣令洪楨重修更名絃歌堂

縣志

黃庭堅東軒銘溫陵呂晉夫為武寧縣其轡勒足以御吏其俎豆足以和民以其身為綱以其僚為紀其有所急也民以為義其有所緩也民以為仁於其歲豐民間新作東軒以告豫章黃庭堅曰以此聽我非以勤民也余觀今之吏記三年則解體不治民亦厭之今呂侯不得代踰四年矣而勤民如始之日民亦安樂之唯恐其去也故銘以勸來者呂侯為邦如匠規矩除治燕處不即歌舞於此近之問民疾苦里無追胥抱孫買鉏吏無重糈猛虎如鼠我班王春民在東皋于耜于餉勤其作勞亟其耘耔無慢於傲役乃暇日于茅索絢桃李兌矣松柏峙矣知我民稼雨澤時矣萬物芸芸自本自根於其竝作我觀其復富貴浮雲荷戈而逐呂侯燕居不棘其欲東軒高明有突有榮以納

日月以陳鼓笙侯在東軒左經右律燕及其僚射  
侯酒食咨爾後來式鑿斯今無以豆觴費民寸陰

廣心軒 在古龍潭寺內今廢 縣志

四望亭 在縣西里許山巔有亭曰四望宋韓魏公有詩

李文忠按部經此喜其岡阜傑出可覽四面溪山之勝因

亭久廢命復建之紹興中知縣王寧感二公之賢更名曰

勿剪 縣志

水月亭 在縣西一里許亭踞龍潭石鐫鑿石嵌柱浮榭

臨波風景清絕宋黃文節公與清上人鄭處士玩月石上

相與構亭今亭廢蹟存 縣志

極高明亭 在太平山頂宋道士章權孫建其峯削出雲

表萬山環列揭後斯詩云但有日與月晝夜繞檐下蓋實

錄也 縣志

得所亭 一名放生亭

在映暉門外宋紹興中詔郡縣置放生

池乾□元年縣令吳彥夔建亭池上遺址今不可攷 縣志

湧翠亭 在縣西三十里柳山之麓危峯峙側修水繞前

岡巒後疊洲渚縈迴可覽西南諸峯之勝宋白玉蟾過此

登眺彌日而去亭今廢 縣志

白玉蟾湧翠亭記神霄散吏攜琴過富州道經武城雙鳧

凌烟一龍披月望大江之東撫劍而長呼顧天而大嘯因

日環武城者皆山也蒼崖翠壑青松白石寒猿叫樹古澗  
生風斷崖千尺翼然如舞天之鶴婉然如入天之龍者柳  
山也白蘋紅蓼紫竹蒼莎魚浮碧浪鷗臥素月琉璃萬頃  
舳艫千梭窈然如霞姬之帳湛然如湘娥之縠者修江也

山之下而江江之上而亭亭曰湧翠蓋取東坡山為翠浪湧之意也觀其物披其景象飛翬際天倒影蘸水天光水色上下如鏡烟柳雲樹高低如幕綠窻漏蟾朱簷咬雨華椽躍鳳鱗瓦鋪鴛四榻無塵一間如畫玉欄截勝銀海凝清鷗鷺不驚龜魚自樂亭外物也適其酒量任其詩懷亭中人也若夫風開柳眼露浥桃腮黃鸝呼春青鳥送雨海棠嫩紫芍藥媽紅宜其春也碧荷鑄錢綠陰縹絲龍孫脫殼鳩婦喚晴雨釀黃梅日蒸綠李宜其夏也槐陰未斷雁信初來秋英無言曉露欲結蓐收避席青女辨粧宜其秋也桂子風高蘆花月老溪毛碧瘦山谷蒼寒千崖見梅一雪欲臘宜其冬也至於朝陽東臬萬山青紅夕鳥南飛羣木紫翠桐花落盡柏子燒殘間中日長靜裏天久漁舟唱晚牧笛驚霞有時而琴胷中猿咽指下泉悲有時而棋剝啄玉聲縱橫星點有時而書春蛇入草暮鳥歸蘆有時而畫溪山改觀草木生春以此清興以此幽景收入酒生涯擁歸詩世界蓋有得於斯亭而不知其身世矣時名公鉅儒鱗局壘副騷梭如櫛峻韻如霜前者唱後者和長篇今短篇古亦莫能窮其趣也第見山光浩蕩江勢澎湃螢燈萬點禽簧一聲飛青舞碧凝紫流蒼漁歌斷處白芷浮天帆影落時綠蕪漲岸孤蒲蕭瑟舟楫往來一日桐城譚元

振上清黃日新與余抱琴憩於亭上風吹鶴袂人訝水仙盤薄數篇醜醜幾盞援筆不思聊述山水風月之滋味以為之記亭之主人曰然子觴咏明月中追思世事如電沫人生如雲蘋蓬萊在何處黃鶴杳不來抱琴攬劍因而起舞於亭之上

看鶴亭 東水關內看鶴橋上舊傳丁仙化鶴來歸翺翔

溪上每夜深月明水中見鶴影甚晰明邑人鄭尚華伐石

為橋建亭其上後廢康熙四年知縣馮其世重建 湯民貞

有記

湯民貞看鶴亭記水自神童山逶迤縣治以東其流清徹可愛有跨而御之者曰看鶴橋誌稱邑士鄭尚華鑿石為之構亭於上其旁有鶴隱觀不知毀於何時康熙四年乙巳秋馮侯其世復建是亭亭既成適中秋之夕夜靜人定散步橋上四天一色萬籟息囂桂輪藹藹梧葉蕭蕭雉堞列若翠屏下映碧水細流鏘然如環佩方倚闌悵望思其

名慕其風惜鶴隱觀無可考意者其合威千年化鶴歸來  
乎仙不得而見矣庶幾有霜毛玉羽飛鳴而過使我得注  
目焉以實看鶴之名乎徘徊未已客賦招鶴二章一曰偉  
胎化之仙禽兮抱清迥之明心指蓬壺而翻翰兮窮天步  
之高尋蕩白日以無垠兮渺圓吭之遐音歸來逍遙兮蘭  
皋之陰一曰白雲為寧兮碧山為榭溪影澄清兮不可繪  
畫使君清且仁兮覽德輝而來下縻爾好爵兮念  
爾不暇美有所歸風有所自鳳凰神雀且於斯矣

喜雨亭 在縣北玉枕山前明知縣但元行盛文郁相繼

遇旱禱於伊山隨車得雨建亭志喜 吳伯宗有記 後圮成

化乙已知縣馮琦重建 楊崇有記縣志

吳伯宗喜雨亭記略曰洪武二年盛公蒞治之初旱彌月  
矣顧瞻惕然寢食不遑幸僚屬齋沐致禱期以詰旦叩龍  
湫於縣北之伊山是夕甘雨如注及明而足時七月二十  
七日也於是槁者以興憂者以喜歌於市忭於野公乃步  
自城陰得亭址於榛莽間相與作亭賦詩其上曰夾道層  
陰護老松巖深磅礴有神龍以來乞取天瓢水洗出伊山

無數峯又曰伊山雲接白雲天村北村南水滿田想亦老  
龍知我在片雲飛度縣衙前蓋喜甚也於是邑之父老咸  
相謂曰吾寧困於離亂民失其所又重以魃虐皇皇無以  
自存盛侯下車憂形於色精誠所格甘澍下溢釋我拘攣  
蘇我涸轍其賜甚大其流無極是亭也其為吾民喜雨而  
作也何可忘諸乃謀刻石屬余為記公名文郁字周從號  
東民河南歸德人也以詩書治民有古人風其膏澤下於  
民而可喜又將大書特書且與斯亭傳於不朽云 楊崇  
重建喜雨亭記武寧玉枕山有喜雨亭始之者但君元行  
繼之者盛君文郁皆愛民縣尹所作也成化癸卯夏五月  
不雨縣尹馮公率貳令趙君判簿盧君齋宿外舍厥明禱  
焉大雨歲有秋越明年甲辰夏四月不雨公率僚屬禱焉  
應期而雨如癸卯又明年乙巳夏五月不雨公禱焉又如  
之於是合邑之民相與謀曰旣窶滿篝汗邪滿車侯之賜  
也昔有亭以志雨今屢雨而無亭可食其實而忘其根乎  
乃相率復亭於故址以昭侯貺既而張信石堞不遠隣封  
乞記於余將刻之亭中余以公之惠在人心亭之記在人  
口烏用文之且喜雨名亭始於蘇公之治扶風蘇公奇才  
逸筆有記膾炙人口余何能為役幸而解官林下方與耕  
夫耨叟春祈秋報於粉榆之社乃得執鉛槧以紀憫農之

賢尹雖荒落其何辭嘗讀春秋僖公三年書六月雨傳曰  
雨云者喜雨也公於三歲之雨喜固無出於此而民之喜  
果有說乎則斯亭之復其於春秋之義或不悖與雖然旱  
而雩禦災之常道故周禮謂國大旱則雩而春秋昭公二  
十五年書上辛大雩季辛又雩則已瀆矣夫在我無彌變  
之實而區區於禱祠之末雖幸而雨何足為法今屢禱而  
應其或有所以禱者在焉庸書其異且以告來  
者其無泥時成化二十一年冬十月既望撰

望江亭 在河南渡口地勢高聳可以望遠成化中知縣

馮琦建 縣志

柳渾讀書臺 在縣西唐史柳渾棄官隱居有讀書堂 地輿

紀在柳山之陰有石平廣如臺可坐數十人唐宜城伯柳

渾為衢州司馬時棄官隱此與兄識及蕭定盧虛舟李勛

袁高元亘諸人往復吟眺其上因名 縣志

煉丹臺 一名丁仙崖 在縣東三十里南山懸崖千仞鳥道盤

雲流水曲折約數十渡乃陟其巔西北諸峯森然在目世

傳丁令威煉丹其上多桃樹春間盛開時望之如張錦

然 縣志

溪園 縣治南青雲街左宋承直郎周應合築北臨鶴溪

南瞰修水神童四望諸山環列几闔為一邑勝處應合上

章劾賈似道謫歸築此園自署溪園先生 縣志

梅花園 在縣南一里羊角山邑人盛宗齡築種梅數百

株紅白掩映香聞數里時稱小孤山 縣志

此君園 在南鄉廉村宋處士葉開築陳閔仙詩所謂風

度蕭森似此君是也 縣志

石鑊洞 在邑南巖陽山平厓一方中書石鑊洞三大字

筆法頗精右旁小字為皇宋嘉泰辛酉夏旱邑宰入洞祈

雨隨車而應邦民感合君之誠獲龍神之貺周友直率劉

鉉書於神水之旁命工勒石左書承議郎隆興府知武寧

縣正官勸農營田公事兼兵馬都監毗陵吳蔣立刊者余

鵬程又云縣南三十里巖陽山麓有石如鑊者二外方內

圓相連若灶泉出其中不泛不涸云是巖陽尊者制毒龍

處歲旱投以木石輒雨宋知縣吳彥夔鑄石鑊泉三字 縣志

志

石讚韶石鑊洞記巖陽山麓有二石中空而多竅與溪澗

相縈迴晶瑩秀澈東流匯入修江形如鑊然因謂之曰石

鑊洞或曰是地也幽迴峻峭壁立絕壑世傳隱者善信結

廬處云是二者余聞而未之見也夫物生宇宙苟有可觀

即誌之非必其為怪奇偉麗即石巖遠谷寒泉細溜有可

以致其用何不可作名山大川觀哉今夏苦旱民方以為

憂設壇祈禱經旬而甘霖未霑因稽縣志有宋前合禱雨

故事又聞前合會倣其行余與同官虔誠齋戒禱於其陽

出郭數百步如火烈欲憩未能也透迤繚曲而南隱隱雲

中起心竊奇之俄而羣山吐陰衆山隱曜空濛有象昭昭

矣遂與同人徒行攀藤蘿歷崎嶇尋至其所靜氣凝神覺

清涼逼人恍乎若山靈之來告始識向所謂龍泉飛仙者

非誕風物固殊焉於是焚香祝禱禮成甘霖饒野隨車而

應低徊久之不忍去且境未經閱歷詎知上下千百年流

傳臆信其有得乎山有仙則名水有龍則靈石鑊之傳得

毋類是是無述惟謹誌其神靈感速與夫官民憂

勤為茲邑幸也維時都閩張君雲鶴廣文羅君啟

華職員張君居桂費生冠武皆同余歷其事者

陶姚洞 在九宮山側 縣志 晉時有陶姚二真人煉修洞

內後皆仙去前有溢雪厓飛瀑千仞迅若奔雷四時不絕  
真勝境也 九宮志

紫鹿岡 在縣西四十里世傳王喬乘紫鹿訪丁令威於  
此故名其側多產鹿蔥蔥翠彌望王喬河東人初為葉縣  
令後煉丹於德安之崑崙山與青牛洞相隔不遠故有乘  
鹿訪丁之說舊志誤稱王子喬注云未詳何地人均失考  
訂縣志

飲馬岡 在縣西六十里俗呼走馬岡宋將軍岳飛討平  
楊么取道武寧飲馬於此岡側舊有岳少保祠今廢 縣志  
巾石 在青牛洞口云丁令威冲舉時遺巾於此化為石

石上有繫纓痕亦落瓦掛□類也 縣志

試劍石 一在縣東六十里箬溪上游一石臨河卓立數  
丈劃然中開相傳許真君逐蛟試劍於此一在縣西一百  
二十里九宮山傳云是羽士張道清試劍處謝枋得有詩  
又箬溪試劍石俗呼破石舊志稱黃庭堅舟過石下刻水  
月雙清四大字其上嘗泊舟其處但見石勢嶙峋與江水  
相吞吐石上略無斧鑿痕豈土花侵蝕歲久漫沒一至此  
耶抑記載失實庭堅所刻別有一石耶 縣志

龍潭石 在縣西一里許石勢劖刻俯瞰深潭相傳許真  
君縛蛟於此宋謝存理隸書龍潭二字鐫石上又云龍潭



清影爲庭堅所書者 縣志

烈女厓 在縣西七里山側明末盛彌俊女年十五爲流寇所執投厓於此 縣志

將軍陂 卽磨源陂旁有將鼓嶺縣南十里南唐侍郎盧儔屯田時所築灌溉頗饒後人德之立廟祀焉今陂存廟廢矣 縣志

三仙陂 俗呼三山均在太平山東偏峯巒秀削溪壑幽窅昔章自然採藥此山遇三仙人授以丹訣後得尸解故名陂側有廟舊立仙像後改祀土神揭傒斯有詩 縣志

孝烈坡 縣西南九十里橫塘山側明末流寇掠南鄉葉

氏婦救姑畢命處事詳列女 縣志

國朝汪軻孝烈坡歌孝烈坡頭一抔土長留壁血映千古過者吊之慘以哀鄉人不敢道其苦時當未造兵氣流羣賊橫掠聲如虎葉氏舉家匿山中老姑幼子俱被虜孝婦貞心動天地賊渠肆虐誠淒楚老姑幼子生死時乞賊罵賊心無主姑得生還豈計身可憐刀下兒呼母此時恩義兩難全睜眼看濺兒血處烈性淋漓赤刀頭骨碎魂飄滿山樹山樹燐飛百餘年星日照之常常注

甘羅井 縣城西南隅甘羅巷內今爲管井 縣志

按邑中村坊井巷多以甘羅得名揆厥所由大都唐宋

以前甘羅二氏聚族蕃盛職是故耳舊志於古蹟則載

甘羅故基於邱墓則載甘羅墓并稱甘羅僑寓於此抑

知甘羅仕秦王見放逐安得越數千里而爲逋客且卒

葬耶今悉為刪正姑志此并以訂訛云

孝井 儒學櫺星門東明教諭朱璣鑿以養親者縣志

丹井 在縣西四十五里鍾鼎山上舊傳呂巖燒煉之所

有丹井丹灶石室石牀皆天然宛肖其下為玉清宮右有

黃婆洞縣志

按意士黃婆仙家寓言也舊志作賣酒事頗涉不經今

刪

靖公井 在縣東三十里靖公厓之東南世傳靖公上人

所鑿水甘冽飲之可以已疾縣志

卓劍泉 在縣東五十里舊傳甘戰從許遜伐蛟經此伐

蛟戰拔劍插地有泉湧出味極甘冽後人即其地建甘泉

觀縣志

節婦潭 在縣南里許泐洲側宋戴復古妻捐軀處事詳

元史縣志

義溪 在縣西一百里溪上有周姓者七世同居家範整

肅人以方江洲陳氏云縣志

交蘭巷 在縣治百餘步明邑人盛蘭所居為諸生好種

蘭善鼓琴不妄通賓客闢一巷以待良友因名交蘭縣志

賓陽莊 在縣東四十里邑人余弼別業也中有午河憩

不來賓堤遲仙嶺筠雪樓松花塢為溪山絕勝處縣志

默廳 在縣治北官塘源邑人張天仁讀書處周植桂樹  
今廳廢桂存 縣志

柏澗 在縣治東南六十步邑人陳玠築室鶴溪上植柏  
數十本環溪岸自號柏澗居士萬厯中溪水暴漲盡拔旁  
有桂樹一株獨存玠孫良謨構軒桂側更名桂花書屋 縣志

釣磯 廻溪銅坑厓之陽邑人余弼垂綸處巨石壁立俯  
瞰溪流潭深丈許秋水碧遊魚可數 縣志

鐵爐故址 在縣治西許旌陽部將邑人董晉兄弟鑄劍  
處今卽其地建廟祀晉稱白馬廟 縣志

梧桂林 在縣東南三十里石坪山宋邑人余規故宅規  
手植梧桐丹桂歲久成林 縣志

古柏 在縣廳東明知縣盛文郁手植虬枝鍊幹黛色參  
天盛宗齡有古柏歌 縣志

連理松 在縣東南四十里橫嶺路旁有松二株合爲一  
幹交柯攢翠垂陰數畝蓋千年物也 縣志

銅佛 在新峯寺 縣志

大鐘 在太平宮重千劬 縣志

神鐘 齊永明中得鐘於長岡山 豫章書

合石壠 在縣西十五里五塘衝石窩山明貞女盛善才

葬處墓側有二石廣數丈葬後兩石相合如覆鐘焉縣志

鐵塚 在縣東五十里吳王峯俗傳吳王墓沿鐵成墳草

木不生縣志

吳王墓 在縣南吳王峰相傳孫鍾葬母於此其後孫權

稱吳王因追稱焉

寧州

吳猛故宅 州南有東津山其側丹霞觀是吳猛故宅亦

名吳仙里名勝志

黃庭堅故宅 庭堅先居修水後乃遷於雙井在州西二

十里其南溪心有二井土人汲以造茶為草茶第一旁有

釣亭從子黃襄所築有手書釣臺二字鑄石下有水一泓

題曰明月灣名勝志

明周季鳳釣臺詩明月灣頭路清風井上絲乾坤才此老  
風節是吾師修水千年跡崇臺兩字碑祠堂枕江岸老木  
正參差方沈釣臺詩穹窿片石倚江開人道涪翁舊釣  
臺駐馬好尋題字處生煙漠漠水滌洄陳昌言釣魚臺  
詩文節高風翳草萊野人猶識釣魚臺  
夜深明月沙鷗起疑是先生放艇回

永思堂 黃氏所築初在雙井後遷鳳凰山舊志

三賢堂 祀周濂溪黃山谷陳敏識舊在儒學內東陽王

象建今廢舊志

涪翁亭 宋黃庭堅建州志

桂香亭 在州西黃龍院側宋黃庭堅常遊此與靈源師

論禪有時聞一陣木樨香之句後人因以名亭明一統志

秀江亭 俯瞰修水宋分寧隱士吳叔元建黃庭堅嘗訪

叔元登亭題壁云崇寧元年四月己未朝奉郎新堂塗大

守黃庭堅來訪叔元晚登秀江亭澄波古樹使人得意於

塵埃并作詩紀其幽閒之勝名勝志

冠雲亭 在南山上宋黃庭堅題額今廢州志

楊信冠雲亭記寧昔縣治今改為州形勝之壯南山排於前鳳山峙於後清流激湍環抱左右風氣有凝聚者予以庚戌秋來為宰越辛亥秋適政務少暇攜二三僚屬泊寧士於南山之山直造其巔顧林木動盪有以消煩襟滌塵慮於瞻眺之頃遂欲作一亭以據其勝時從遊者進曰古有冠雲此其遺址也廢久而名尚存余亟命拔草萊剪荆棘相地度材不踰月而亭以復名仍舊方欲記之適內艱不果歷數年風摧雨剝亭日圯無有能繼之者今葉君以

名進士來守是州清材雅操不踰年而政得其要民安其田里興廢起墜一州之制煥然茲亭亦幸增飭矣書來索予記按南山去州二里許隔溪跨橋懸崖峭壁壁下瞰修水此亭翼然其上從其舊而名以冠雲者蓋以山高亭秀起特拔高出雲表以雲為冠可以遊可以觀而山間之氣景雲物之飛揚一舉目而得之夫觸石而生從龍而起不崇朝而雨天下者雲也狄梁公望雲而思親杜少陵望雲而思友官於此者遊其亭得無感於心而有所思乎思必以民心為心企雲之為霖雨使吾民常沾乎灌溉也故在一邑當思霖雨乎一邑在一州當思霖雨乎一州在天下一當思霖雨乎天下如傳說為商家之霖雨然後可否則盤樂游佚廢時失事而無感發可乎用是為記以教遊於斯亭者

一翠亭 在南山宋分寧知縣趙崇和建今廢州志

逸老亭 豫章黃氏子建以娛其親者省志

蘇舜欽逸老亭詩修水崩騰落雲端傾入羣山自縈轉山迴水抱三百里邑號西安府十澗四時夾澗花濛濛數步

行人不相見但聞千軍萬馬橫陣來石激驚湍自相濺忽  
然瀾漫為平川遠近人家壓深淺其間有亭號逸老山水  
之間為勝選黃氏有子樂其親締葺之勤由富繕蓋憂高  
年厭家事竭力營此欲自遣親意雖知風物佳豈若有子  
常在眼君胡飄飄事遠遊手龜面鰲兩足趺故鄉不到已  
逾年又非跼踏牽仕宦何如輕舟早還家日對雲山奉遊  
燕

醒心亭 在城南 州志

邀月亭 在城西 州志

問春亭 在大市旌善亭即其地 州志

休亭 州志

黃庭堅休亭賦吾友蕭公餉濟父往有聲塲屋間素不利  
於有司歸教子弟以宦學而老於清江之上開田以為歲  
鑿池灌園以為籩豆兒時藝木今憩其陰獨立無隣自行  
其意築亭高原以望玉筍諸山用其所以齋心服形者名

之曰休亭乞余言銘之將遊居寢飯其下豫章黃庭堅為  
作休亭賦槃礴一軌萬物竝馳西風木葉無有靜時懷蠹  
在心必披其枝事時與口間同機世智與太行同巖飲羽  
於市門之下血刃於風波之上至於行盡而不休夫如是  
奚其不喪故曰衆人休乎得所欲士休乎成名君子休乎  
命聖人休乎物莫之嬰吾友濟父居今而好古不與不取  
亦莫子敢侮將強學以見聖人而休乎萬物之祖曩游於  
世也獻璞玉而取剛圖封侯而得鯨驕色未鉏而物駭機  
心先見而鷗驚撫四方者倦矣乃歸休於此亭濯纓於峽  
水之上游晞髮於舞雩之喬木彼玉筍之隱君子惠我以  
生芻一束是謂不著  
而筮從無龜而吉卜

杏花亭 在杏花水濱今廢 舊志

雲巢 在雙井宋黃公準字稚川庭堅弟也志趣高明嘗

於櫻桃洞結茅木杪號為雲巢居士

宋洪駒父雲巢詩雲巢一上十五里中有今世巢居子雞  
鳴犬吠百餘里不知天際去此幾平生深契鳥巢禪剪茅

益頭萬事已宴坐經行飛鳥上人間榮辱不到耳蝸牛兩  
角竟何為鷓鴣一枝端自喜我有一塵落城市章服裹狙  
聊復爾武陵未訪桃花源修江儻問桃花  
水會取櫻桃洞前路杖藜扶衰自此始

靈椿臺 州志

宋黃庭堅靈椿臺詩固蒂深根且一邱少時常恐斧斤求  
何人睥睨明堂柱幾歲經營江漢舟終以不才名四海果  
然無禍闕千秋空山萬籟  
月明底安得閑眠石枕頭

銅鼓石 在州西南大瀉山石屹然數丈形類銅鼓世傳

許遜逐蛟過此石中有聲揮劍劈之一石中分如劍劈狀

名勝 今銅鼓營是其地 西江志

明鄧子龍銅鼓石詩定江巨石當路旁有人疑是南山虎  
笑漢將君只沒羽迺不貫之何足數又聞此石名銅鼓上  
應列宿開帥府英雄一劍  
破中壘砥柱乾坤鎮吳楚

宋進士黃注墓 在分寧董坊先葬雙井後移此歐陽修

志銘 州志

黃文節公庭堅墓 在雙井祖塋之西崇寧四年山谷卒

於宜州貶所年六十一大觀三年蘇伯固護其喪歸葬於  
此明宏治中都御史林俊增修置祀田 州志

南昌府志卷二十七終

南昌府志卷二十八

祥異

洪範九疇次八曰驗用庶徵脩省之責下逮庶尹天道遠而人事邇蓋不可不慎也自伏生作五行傳班史而下踵其說各有事應或失之鑿沈約作符瑞志或失之夸矣方今年穀順成和平康樂雖有偏災而

賜租賑貸撫卹救弭靡不備至太和翔洽在宇宙間蒸黎熙皞登春臺而躋壽域麗眉駘背者歲不絕書又奚必侈言景星慶雲鳳凰芝草以為瑞哉

漢



哀帝建平中豫章有男子化爲女子嫁爲人婦生一子長  
安陳鳳言此陽變爲陰將亡繼嗣自相生之象一曰嫁爲  
人婦生一子者將復一世乃絕

漢書五行志

按南昌爲歷代州郡府治故援引多以豫章之名專屬  
南昌不知隋以前豫章地廣不得以南昌一府當之也  
府縣舊志凡史籍之稱豫章者皆相沿編載仍之既久  
削之則無所歸附姑存之以待脩通志者擇焉

明帝永平十三年白鹿見南昌

省志

永平末豫章遭蝗穀不收民饑死縣數千百人

後漢五行志注

章帝元和二年白鳥見南昌時李儀爲太守

省志

元和三年海昏縣出明月珠大如雞子圓四寸八分

古今注

按舊志作晉武帝泰始二年誤

安帝永初六年夏六月壬辰豫章員谿原山崩各六十三  
所

後漢五行志

元初六年南昌芝草生

通鑑綱目

順帝永和間豫章太守孔笠臨郡三月白雀出南昌

藝文類聚

甘露降豫章郡門時陳蕃爲太守

舊志

吳

黃武七年豫章黃龍見

省志

會稽王五鳳二年赤雀見豫章

舊志

景帝永安六年赤雀見豫章

文獻通考

晉

武帝太康元年豫章生嘉禾龍見於建昌七里汀立祠祀  
之後禱雨輒應

省志

按舊志削龍見於建昌以下十七字意殆以建昌為今  
建昌府不知晉豫章郡建昌即今奉新縣建昌府之名  
則自宋太平興國四年立建昌軍始也

太康三年白雀見豫章

玉海

太康五年嘉禾生豫章南昌

宋書符瑞志

太康七年七月庚午白雀見豫章

宋書符瑞志

木連理生

豫章太守蘭隸以聞是年豐城得寶劍劍曰龍泉曰太阿  
初有紫氣見牛斗間雷煥以為寶劍之精因掘獄中石函  
得之

省志

按晉書張華傳華以斗牛之間有紫氣問豫章人雷煥  
煥以為寶劍之精在豐城華曰吾少時有相者言吾年  
出六十位登三事當得寶劍佩之斯言豈效與即補煥  
為豐城令煥掘獄得劍二是時華年當已逾六十故有

斯言當效之語華卒於永康元年年六十九上距太康七年十有五載華始五十四歲與年出六十之語不合通志謂得劍於太康七年豈別有所據耶

永興元年彩雲覆豫章甘露降麒麟見是年石陽地震水

湧山崩

省志

永興二年蝗大饑

省志

懷帝永嘉六年七月豫章郡有樟樹久枯是月忽更榮茂與漢昌邑枯社復生同占是懷愍淪陷之徵元帝中興之應也

晉書五行志

永嘉末豫章有大蛇長十餘丈斷道過者蛇輒吸之吞噬

百人吳猛與弟子殺蛇猛曰此是蜀精蛇死而蜀賊當平

既而杜弼滅

豫章書

按許遜傳海昏有巨蛇遜仗劍斬之此云弟子當屬遜武寧縣志

元帝大興元年正月戊子麒麟見豫章二月廬陵豫章西陽地震山崩十二月廬陵豫章武昌西陵地震湧水出山崩于寶以為王敦陵上之應也

晉書五行志

大興二年夏五月蝗

豫章書

大興三年正月白鹿二見豫章

宋書符瑞志

按孫氏瑞應圖白鹿作白虎

成帝咸和二年春二月南昌有騶虞見省志四月己未豫

章地震是年蘓陵作亂宋書五行志

咸康五年豫章南昌民掘地得銅鐘四枚太守褚裒以獻

宋書符瑞志

穆帝升平四年春二月辛亥鳳凰將九雛見於豐城舊志

按宋書符瑞志云升平四年二月辛亥鳳凰將九子見

鄖鄉之豐城考穆帝升平五年分蒼梧立永平郡有鄖

鄉縣宋元嘉時立豐城縣豐城本吳縣屬蒼梧郡宋永平初併入安沂元嘉復立

故曰鄖鄉之豐城合晉宋邑名言之最為明晰通考但

曰豐城遂轉相抄襲誤為晉豫章郡之豐城而不知其

遠不相及也故特著而辨之

簡文帝咸安二年三月白虎見豫章南昌縣西鄉石馬山

前宋書符瑞志三月騶虞見舊志

孝武帝太元十四年十一月辛亥白虎見豫章郡宋書符

瑞志 豫章桐木連理太守范甯表聞舊志

表曰永脩公國相萬主解列到縣巡行邑治縣西北出二里有林中兩桐樹下根相去一丈上枝相去丈八連合成

按范甯表見藝文類聚未載年月舊志作大元六年范

甯出守豫章在太元十四年冬十一月則作六年者誤

省志作十四年較得其實但以此事列於辛亥白虎見

之前亦誤蓋辛亥卽月朔寧尙未至郡也

太元十六年太守范甯獻白鹿一頭

晉書起居注

安帝義熙七年五月白雉見豫章南昌

宋書符瑞志

義熙中豫章郡吏易拔還家不返郡遣使追拔語言如常

亦爲設食使者迫令束裝拔因語曰汝看我面乃見眼目

角張身有黃斑色便豎一足徑出門去家先依山爲居一

至麓卽變成三足虎豎一足卽成其尾

異苑

宋

文帝元嘉五年秋夕豫章胡充家有大蜈蚣長二尺落充

婦與妹前令婢挾擲纔出戶忽覩一姥衣服臭敗兩目無

睛異苑

元嘉二十一年白雀見南昌

豫章書

元嘉二十二年豫章豫寧縣出銅鐘江州刺史廣陵王紹

以獻

宋書符瑞志

元嘉二十六年夏四月甘露三降豫章

舊志

元嘉二十七年四月乙卯丙辰丁巳甘露頻降豫章南昌

戊午午時天氣清明有彩霧映覆郡邑甘露又自雲降太

守劉思考以聞

宋書符瑞志

孝武帝大明元年十月丁丑朔木連理生豫章南昌

宋書

符瑞志

明帝泰始二年嘉蓮一雙駢花並實合樹同莖生豫章醴湖玉海

泰始五年五月壬戌豫章南昌獲古銅鼎容斛七斗江州刺史王景文以獻宋書符瑞志

泰始六年十二月壬辰木連理生豫章南昌太守劉惔之以聞宋書符瑞志

按省志云鼎上有篆文

齊

武帝永明五年二月豫章縣長岡山獲神鐘一枚齊書祥

瑞志

東昏侯永元三年正月豫章郡天火燒三千餘家京房易

占曰天火下燒民屋是謂亂治殺兵作是年臺軍與義師

偏眾相攻於南江諸郡齊書五行志

梁

武帝天監六年夏六月新吳縣獲四目龜一豫章書

唐

高祖武德六年慶雲見洪州省志

許敬宗表賀云臣某等臣聞靈心不測叶至道以升聞上帝無聲候休明而降祉同夫影響在感斯通相彼天心實交其際伏惟皇帝陛下垂光御極體睿凝圖始自憂勤寧羣飛於海外賜之仁壽拯塗地于寰中總絕代之英聲實興為之美政三秦咸泰六府斯歌首冠往初功無取譬德澤共二儀潛運清明與七曜齊光是以邇無不安遠無不

屈雕題鏤齒之類欵郊甸以相趨擅裘板屋之朋入提封而請吏上騰下漏天平地成嘉氣內充卿雲以之舒彩盛德外發非烟由其散色竊見守洪州長史張惟善等稱六月二十六日于城內見慶雲自旦及申然後方散謹按瑞應圖曰慶雲者太平之應孝經援神契曰德至山陵則慶雲出景又曰天子孝則慶雲見金枝玉葉若臨軒帝之營蕭索氤氳復入唐臣之咏自非工倖造化道格上元光含六幽恩流四海安能致茲神感式彰靈貺元黃間起朱紫相輝千載合符如斯之盛也雖復駢枝合穎匹此為輕絳雪元霜會何足喻凡諸率土預在宵形沐浴皇風用源鳧藻况以臣等謬忝衣簪旦夕巖廊親聞錫瑞相呼并躍實百常情不勝悅豫之至

太宗貞觀十五年洪州獻元珪

玉海

貞觀二十二年洪州言慶雲見

冊府元龜

貞觀間洪州馬老恭入南山化為虎至二十三年復為人而終

省志

高宗麟德二年新吳望蔡得白麀各一有司以獻是年詔

置寺觀以銀麀為名

舊志

武則天后時洪州進大象牙剖之牙中有二龍形相攫而

立

舊志

元宗開元五年洪潭二州災火延燒郡舍郡人先見火精

赤暎飛來旋即火發

舊唐書五行志

按新唐書五行志郡舍作州署郡人見火精赤暎作州

人見有物赤而暎暎

開元十八年洪州得白鹿刺史張九齡表獻

舊志

代宗大厯間豫章有仙鶴巢於大果寺樹

省志

德宗貞元元年嘉禾生洪州或五莖四穗或兩莖三穗或一莖二穗省志

貞元十年洪州溪澗魚頭皆戴蚯蚓豫章書

順宗永貞二年七月洪州火燔民舍萬七千家舊志

按新唐書五行志及文獻通考並載此於德宗貞元十

九年後憲宗元和七年前而於二年上不著年號省志

舊志直以為順宗永貞二年不知順宗於貞元二十一

年即位後遂傳位憲宗改元永貞踰年正月丙寅朔憲

宗率羣臣上尊號尚稱永貞二年見韓文公順宗實錄

朔以前後甲子推之皆不合實錄誤也 丁卯即改元元和矣秋七月安得

尚稱永貞哉

憲宗元和二年秋洪州大旱省志

元和三年洪州旱豫章書

元和四年秋洪州旱豫章書

元和十五年秋洪州水新唐書五行志 隕星于牙門將孔

知讓第時南平王鍾傳鎮洪州舊志

穆宗長慶三年秋洪州螟蝗害稼八萬頃舊唐書五行志

敬宗寶曆元年秋旱豫章書

文宗太和四年大水鼠害稼豫章書

太和八年秋水害禾豫章書



昭宗天復中豫章人治舍掘地得一木櫃發之得金人十二頭各長數寸皆古衣冠首戴十二辰屬欵式精麗殆非人爲其家寶祠之因以致福

稽神錄

楊吳

高祖天祐七年庚午夏洪州實石於越王山下昭仙觀前有聲如雷光彩五色濶十丈節度使劉威設齋祈謝七日石漸小止寸八分

省志

按省志作唐昭宗七年舊志作天復年間二者皆誤昭宗大祐四年已禪位於梁劉威天復年間未嘗爲節度使考吳楊渥天祐四年以廬州觀察使劉威爲鎮南軍

節度使楊隆演天祐六年劉威鎮洪州楚撫州刺史危全諷來攻威與周本大破之遂盡有江西之地則七年石實洪州正威爲節度使時也昭仙觀稽神錄作真常觀

睿帝順義四年洪州民生男豕首鶴足

省志

按舊志作南唐昇元二年

南唐

元宗建隆二年六月己未夕有大星實於南都庚申羣鶴翔空雙龍據殿屋主遂殂

十國春秋

南都有米廩經年封識如故而米忽失大半有司莫名其

故占者云此必石牛取啖當在武昌縣東南境尋遣人搜訪果於港中見一石牛因鑿其頤自是米不復耗興國軍圖經

南昌新義里地陷長數十步廣者數丈狹者七八尺稽神錄

右二事年月無考附錄於此

宋

太宗雍熙二年奉新縣民何靖妻產三男宋史五行志

淳化元年六月洪州江水漲壞州城三十堵民廬舍二千餘區漂二千餘戶宋史五行志

按六月文獻通考作七月

真宗咸平元年夏六月大雨壞洪州城漂沒二千餘人省志

景德元年南昌縣民李聰妻產三男宋史五行志

景德二年奉新縣民魏勇妻產三男宋史五行志

大中祥符四年七月洪州江漲害民田壞州城宋史五行志

志

仁宗景祐元年八月庚午洪州分寧縣山水暴發漂溺居民二百餘家死者三百七十餘口宋史五行志

慶歷五年秋八月洪州章江禪院堂柱芝草生高一尺三寸葉二十一層色白黃有紫暈旁生小芝葉九層上有氣

如烟 宋史五行志

英宗治平元年洪州水 宋史五行志

神宗元豐元年芝草生南昌射圃 豫章書

元豐二年洪州六縣稻已獲復生皆實 文獻通考

元豐六年洪州七縣稻已獲再生皆實 宋史五行志

按此與二年事同豈通考宋史所記有一誤耶

徽宗大觀二年豐城得古鐘大小九具有篆文詔令進上

省志

政和六年洪州本連理 宋史五行志

高宗建炎四年分寧縣治火 舊志

紹興四年七月隆興水圯民廬 文獻通考

紹興二十七年洪州大水 宋史五行志

孝宗隆興元年白鹿見南昌 豫章書

乾道三年江西諸郡水隆興四縣為甚 宋史五行志

按省志引豫章書作隆興三年誤

乾道四年夏隆興旱 宋史五行志

乾道五年七月乙亥武寧縣龍鬪於復塘村大雷雨二龍

奔逃珠墜大如車輪牧童得之自是連歲有水災 宋史五

行志

乾道七年洪州旱自春及秋首種不入冬不雨人食草實

流徙淮甸詔出內帑收育棄孫

宋史五行志

乾道八年五月隆興大雨漂民廬壞城郭潰田害稼江西

饑民大疫隆興府民疫遭水患多死 江西亡麥隆興府

薦饑南昌新建縣饑民仰給者二萬八千餘人 宋史五行

志

按省志引豫章書誤作隆興八年大水蓋隆興只二年

即改元乾道矣又云乾道八年隆興府江筠州臨江軍

大旱與宋史文獻通考不合則旱亦水字之誤

乾道九年五月戊午隆興府水漂民居壞圩湮田

省志

隆興府鼠千萬為羣害稼

宋史五行志

淳熙五年豐城大水決觀巷堤

豐城縣志

淳熙七年隆興大旱

宋史五行志

淳熙九年洪州旱

宋史五行志

甘露降於豐城縣曲江之

海慧寺

舊志

淳熙十四年夏隆興旱給度僧牒鬻以糴米備賑

豫章書

淳熙十五年六月隆興府水圯民廬

宋史五行志

光宗紹熙四年五月壬申癸酉奉新縣天雷雨水漂浸八

百二十餘家戊寅進賢縣水圯百二十餘家六月戊戌靖

安縣水漂三百二十餘家七月乙酉豐城縣水八月辛丑

隆興府水圯千二百七十餘家

宋史五行志

按奉新水省志作淳熙十五年

寧宗慶元二年七月進賢縣婦產子首有角腋有肉翅面

具三目有尾

宋史五行志

嘉泰四年春撫袁州隆興府臨江軍大饑殍死者不可勝

瘞有舉家二十七人同赴水死者

宋史五行志

嘉定八年南昌春旱首種不入至八月乃雨

豫章書

理宗端平元年夏六月朔大風雷屋瓦皆飛鳥獸驚駭豐

城縣晝晦大風雨雹自西北來吹瀕江廬舍於水人多壓

死縣治亭堂寺觀輪藏飄揚飛去帥守陳韓自劾於朝

省

志

景定元年分寧縣治火是年二月元兵過分寧

舊志

元

世祖至元二十六年十二月寧州民張安世進嘉禾二本

元史五行志

按舊志作二十三年誤

至元二十七年秋七月龍興路水溢城幾沒

豫章書

至元二十九年五月龍興路南昌新建進賢三縣水

元史

五行志

成宗大德元年五月龍興水

大德六年秋七月龍興民訛言括童男女至有殺其子者

命捕為首三人誅之始息 通鑑綱目

大德七年五月龍興路饑 元史五行志

按舊志作蝗饑又舊志云元貞七年龍興路饑考元貞

無七年疑即大德之誤

大德八年龍興水 舊志

大德九年龍興水 元史五行志

大德十年龍興路蝗 元史五行志

大德間得銅鐘於進賢之上破山 省志

仁宗皇慶元年龍興路新建雨害稼 元史五行志

按豫章書作元年夏四月

延祐元年秋八月龍興路水 省志

泰定帝泰定二年龍興路饑 舊志

泰定三年六月龍興路寧州高市火燔五百餘家七月龍

興奉新火 元史五行志

按舊志作元年誤奉新火亦誤作四年

泰定四年八月龍興路火 元史五行志

按舊志作九月

順帝至元元年龍興路饑 元史五行志

按豫章書作元年春三月舊志作二年誤

至元三年南昌新建饑 豫章書

至正四年正月龍興靖安縣雨木冰 元史五行志

至正五年龍興路饑 舊志

至正六年八月龍興進賢縣甘露降 元史五行志

至正八年四月龍興奉新縣大雨雹傷禾折木 元史五行志

志

至正九年二月龍興大雨雹 靖安山石迸裂湧水人多

死者 元史五行志

按舊志以靖安石裂作至正二十八年誤

至正十年五月龍興大水甲子寧州大雨山崩數十處 元

史五行志

按舊志以寧州山崩作九年

至正十一年夏龍興南昌新建二縣大水 元史五行志

進賢生瑞竹 豫章書

至正十二年夏龍興大疫 元史五行志

至正十三年龍興大旱 元史五行志

至正十四年龍興大饑人相食冬龍興雨木冰 元史五行志

志

明

太祖洪武元年寧州大風雨出蛟山水暴溢民多溺死詔

遣使賑恤 省志

洪武十七年進賢生芝十本

進賢縣志

成祖永樂十年武寧大水漂沒民居令戶部撫卹

豫章書

永樂十一年豐城饑

豫章書

永樂十三年夏四月南昌府屬大雨江水泛漲壞廬舍沒

禾稼命戶部遣人撫卹

舊志

永樂十四年夏南昌諸府連月淫雨江漲壞民廬舍

明史

五行志

仁宗洪熙元年夏四五月南昌府屬久雨水潦傷稼命行

在戶部蠲其租

舊志

宣宗宣德八年夏六月南昌府屬大雨江水溢漂流民房

渰沒田畝從巡撫趙新奏蠲租又以巡按尹鏜奏免工部

坐派諸色顏料竹木鑄錢等項俟豐稔徵輸

舊志

宣德九年南昌旱民饑

省志

白雀見進賢白田舖

進賢縣

志

宣德十年南昌大饑

明史五行志

英宗正統五年春夏南昌府屬淫雨江漲渰沒早禾六月

以後亢旱晚禾枯死布政使司以聞命戶部撫卹

舊志

正統八年進賢野蠶成繭於縣樹雲溪生並頭蓮

進賢縣

志

正統十二年進賢堯城山生瑞竹

豫章書

南昌府屬水灾



人民乏食巡撫芮釗奏乞賑濟 舊志

正統十四年四月南昌水壞壇廟廨舍 明史五行志 進賢

芝生縣石柱 進賢縣志

景帝景泰七年夏四月南昌府屬淫雨自五月至秋七月

旱傷禾稼巡撫韓雍奏豁秋糧從之九月寧府火延燬南

昌前衛軍民八百餘家 舊志

英宗天順二年南昌府屬久雨大水衝決民居滄損禾稼 舊志

天順四年夏四月南昌府江溢饑免秋糧及南昌衛子粒

進賢縣火燒民廬舍幾盡 舊志

天順五年進賢災三日民居殆盡 進賢縣志

憲宗成化元年南昌府屬旱減稅糧三分 舊志 奉新旱減

稅米一萬九千八百九十六石七斗六升餘 奉新縣志

成化二年南昌旱 豫章書 奉新旱減稅米與元年同 奉新

縣志

成化三年南昌府屬自夏四月不雨至六月禾盡枯 舊志

成化四年春三月豐城縣大風拔木壞屋次日樹間挂巨

鱗長鬣若龍狀布政使陳煒蒞縣賑卹 舊志 是年大旱免

南昌等府衛官民田并山蕩屯田秋糧子粒凡二百八十

八萬六千三百餘石 豫章書 奉新旱賑饑民七千八百五

十戶一萬三百九十丁借穀四千八百八十三石奉新縣志

按豐城縣志作成化十年大風拔木又云成化四年大水決堤五十餘丈漂民居十餘家亦與豫章書四年大旱不合

成化五年芝生於寧州學宮寧州志

成化六年進賢縣治生雞冠花如鳳是年譙樓災進賢縣志

成化七年春武寧縣雨木冰省志奉新縣大水漂流房屋

人畜甚眾奉新縣志

成化十年夏六月芝生豐城縣儒學玉膚金理輪蓋宛然

南昌府屬旱免秋糧舊志進賢水進賢縣志

成化十一年進賢瑞竹一本二幹生真隱鄉艾氏宅舊志

成化十二年南昌府屬水免秋糧及南昌衛子粒舊志

成化十三年四月豐城大雨雹豐城縣志武寧大旱民饑

武寧縣志

成化十四年靖安旱靖安縣志奉新旱減稅糧二萬九千

四百四十二石餘奉新縣志

成化十五年南昌旱豫章書五月靖安大水靖安縣志奉

新旱減稅糧四萬五千三百八十六石賑饑民人口四萬

七千五百丁散給穀一萬七千二百九十二石零米三百九十二石銀三千三百四十九兩五錢奉新縣志進賢饑進賢縣志

成化十六年奉新旱給散穀九千三百五十八石五斗銀一千三百七十七兩七錢賑民二萬七千三十九丁奉新縣志

成化二十年春三月新建豐城縣大雨雹壞民舍千餘家舊志

成化二十一年夏五月南昌大水漂沒民廬人畜甚多浸城門五日方退省志豐城水決堤漂民居三十餘家豐城

縣志奉新大水市民徐鏞家屋柱上產芝菌稍向北色黃初生時有氣狀如爐烟之裊漸成六層奉新縣志

孝宗宏治元年春正月奉新雨水五月野牛入於市奉新縣志

縣志九月南昌鐵柱宮火豫章書

宏治三年奉新徐鏞家屋柱復生靈芝如成化年間狀奉新縣志

宏治六年夏秋武寧縣大水田衝沒千七百餘畝沙壅二千四十餘畝奏免發倉賑濟及蠲免有差冬十二月南昌府大雪樹木結冰昌志奉新徐鏞家又產靈芝色紅亦漸長六層爛然可愛初生亦如成化年間狀奉新縣志

宏治七年春武寧縣雨木冰南昌府大小蠲秋糧十分之七冬十月五日甘露降豐城縣梅仙壇舊志

宏治八年十二月丁丑南昌大雷電雨雪雹大木折明史

五行志  
寧州桃李樹生菇寧州志

宏治九年豐城縣旱改折南京倉米每石四錢舊志

宏治十二年雷震寧州譙樓寧州志

宏治十三年四月芝生於寧州儒學興賢齋寧州志

宏治十四年南昌府屬水免稅糧有差舊志

宏治十五年南昌旱豫章書

宏治十六年南昌府屬永免稅糧子粒舊志

宏治十七年夏六月寧州大水寧州志進賢大水進賢縣志

武宗正德元年武寧縣火城內民居幾盡舊志靖安大旱

靖安縣志  
寧州旱寧州志奉新大旱減稅糧八分奉新縣志

正德三年春寧州大水寧州志

正德四年夏五月南昌大雨雹六月南昌大水豫章書寧

州大旱寧州志進賢大雨雹夏六月大水南鄉盜起進賢縣志

正德五年奉新靖安大饑華林瑪瑙寨盜起舊志夏五月

南昌大饑民起為盜

豫章書

正德六年正月朔進賢地震

豫章書

五月南昌府見日有

紅白暈中浮青黑氣有頃始散

舊志

按靖安縣志作六年三月日抱環珥白虹貫之

正德七年武寧旱民饑

武寧縣志

正德八年省城內外火災布政司治及民居寺觀萬餘家

省志

南昌府自夏至冬不雨六月辛酉豐城縣西南隕星

如斗火作累日燬官民廬舍二萬餘間死者三十餘人自

是火不時作已又隕星如盆至秋七月二日火方息大旱

詔賑之仍蠲稅糧十分之九冬雨木冰

舊志

十月南昌豐

城火燬公署及民舍萬餘家

豫章書

靖安大旱

靖安縣志

奉新大旱減稅糧九分賑饑民共六千九百十九口

奉新

縣志

進賢自夏至冬不雨秋日晦數刻如夜見星

進賢縣

志

正德九年八月朔南昌晝晦星見

豫章書

正德十年布政司治火寧州雨木冰南昌府屬饑從布政

使陳恪奏停免稅糧每歲帶徵一分

舊志

正德十一年進賢民饑死者相枕藉布政陳奏停秋徵

進

賢縣志

正德十二年春南昌府象牙潭山裂

豫章書

甘露降南昌

府學宮夏四月豐城縣地震六月南昌府有火自空而墮  
光焰長丈餘寧州東北方白氣如虹飛墮有聲秋八月丁

卯南昌縣火燬民居三百餘家 省志

正德十三年南昌府屬水免夏稅夏六月有星自東南向

西北其光燭天有聲明年宸濠反誅 舊志 靖安大旱 靖安

縣志 寧州市火 寧州志

正德十四年夏南昌大旱自六月不雨至八月 豫章書

正德十五年春正月至三月南昌府屬恒雨夏四月大水

撫按王守仁唐龍奏免稅差五月豐城縣有三龍見於楓

林橋暴風壞屋 舊志

正德十六年南昌府屬饑撫按鄭岳唐龍奏留糧銀并粥

逆產賑恤災民補支祿米 舊志

世宗嘉靖元年夏五月南昌府屬大水饑免起渾米 舊志

嘉靖二年夏六月寧州大雨雹 舊志 進賢大水浸縣治 進

賢縣志

嘉靖四年南昌新建豐城進賢縣饑免秋糧有差 舊志

嘉靖五年夏南昌府屬大旱改折兌米 舊志 進賢六月大

雨雹七月蝗 進賢縣志

按豐城志作五年夏大水

嘉靖九年七月紫芝產賓陽岡 武寧縣志

嘉靖十一年三月寧州火焚庫六月分司火燬圖籍 寧州志

志 六月南昌府大雨雹秋七月蝗 舊志 冬十二月南昌雷

省志 夏四月十三府大水 奉新縣志

嘉靖十二年夏四月南昌府大水 省志 奉新蝗大至遮蔽

天日落田食穀輒盡數十畝院道臨縣設法捕之令貧民

捕賣炒死一石者給米一石 奉新縣志

嘉靖十三年閏二月六日南昌進賢五色雲見寧州自春

二月不雨至秋八月大饑 舊志 奉新虎入種德門橋市民

殺之 奉新縣志

嘉靖十四年按察司火 舊志 寧州虎暴於市 寧州志

嘉靖十五年奉新野牛入南門橋市民殺之 奉新縣志

嘉靖十六年春正月豐城雨木冰夏五月大水決馬湖堤

舊志

嘉靖十八年夏四月南昌府雨木冰六月大水寧州尤甚

漂民居壞田為沙磧甚多 舊志

嘉靖十九年大水蠲免稅糧 舊志 奉新大饑舉人徐燦上

救荒十事都御史王偉遣官舉行賑饑民萬餘減稅糧 奉

新縣志

徐燦書曰竊惟臺下一省大父母也一省之民命賴臺下以不忍人之心濟以大有為之才得專制之位而又有至虛之量以容人之言是以昔分巡本道茲巡撫本省自下車以來民受命獲全得以衣食於太平非臺下之賜而誰

賜頃者水旱相仍奉新尤酷適今饑荒甚迫民不能旦夕坐視昨蒙臨撫時大不同矣弱者有坐斃之厄强者起爭奪之風以不更事之見料之勢不至大亂不已先年華林之變大約類此惟其上下相蒙姑息養亂是以餘四年猶未靖可鑒可慮也乃者縣倉既不充雖盡出富民之粟必不贍若非別施權宜之法則民無所於濟非繩強奪者以法則亂不可息臺下以盛德宏才自有經濟妙術固非草野愚士所能測也爍所以不能默者誠見時變之極或恐民隱未即上達若施行稍緩強梁無所警而亂遂成奄奄餘息之民又不能從容延喘以受賜耳多言瀆犯之罪自知何所逃伏惟矜其迫一切不錄其罪加意於一邑之殘則豈惟不肖爍敢專承賜一邑千百民命再造之恩與初生者等矣條呈合行事宜以瀆清覽乞垂仁采納幸甚一日借倉穀本縣所儲之穀不過一千五百餘石一縣仰給所濟幾何夫公廩凡以備荒也本府廣積倉之設雖非專為奉新要之為南昌府屬之民也今南昌府屬凶荒者莫奉新若則固當給奉新矣如本倉不可空虛俟秋熟或另處足或仍令縣官追還則上不空公廩下可以濟民饑此爍所以敢借廣積數千之粟以延數萬生靈須臾之命也乞明示借與數目令縣官併本縣所儲穀通融會計以廣積

倉穀給下鄉以本縣穀給上鄉則民便而不擾二曰那庫銀本縣庫銀雖未知其數大約不贍本府併布政司庫內無碍銀兩可以那支者乞行查發下令縣官併本縣庫銀通融會計即時分給使民自圖三日勸富民貧富之勢相須甚殷富民有粟出貸以圖息者情也近年官府不追私債且從而禁阻之遂使貧民不償財主債戶情不相維年荒穀貴富民不願出貸固其所也不貸則貧民愈困貧民困則穀價騰穀價騰則富民愈貪糶而厭貸貧糶厭貸則貧眾富寡勢必不敵此強奪之風所由起也乞委官儉約者疋馬數僕禁迎送之煩節供給之費親巡十二鄉富民之有穀者以禮諭之舊時鄉例加三今官為之置簿聽其自相議利亦不得過加三制為定例秋熟不還以官治之如此則不惟貧者免犯法之誅餓死之難而富者亦可以免負騙之虧強奪之虞矣不然貧民指富民之粟為外庫恣意取之無忌富民視粟為崇欲遽散之不可若不速差官監放亂不可已自今計之粟已無幾矣山縣地寒其熟又最遲秋熟以七月冬熟以十月將粟盡而荒荒未極而亂心作不可不慮非借官廩那庫銀惟延十數日外終亦有亂有死而已矣四曰停催徵比年水旱加災賦稅未加損民何以堪之田糧常賦固不可免若遠年上庫各項之

祥異



類除侵欺外俟秋熟後民之氣稍紓亂心稍息然後進徵庶於國用不隕而民命堪矣五日禁界限今鄉民私相飲酒立禁釘牌負戴踰都界者奪乞禁之六曰化強暴千金之重使五尺童子守之於途而人不敢奪者法定故也今王法大彰之時豈敢為亂荒年強奪米穀特饑餓所迫不得已而為耳為今之計莫若先足其食食足而強梗不悛然後繩之以法法亦不可不嚴則民無不化矣七曰改罰犯法者築之限其丈尺責其成不計其費斯不勞而事集六曰釋禁囚年荒穀貴監囚得食亦難矣除人命賊情重犯外乞權釋之九曰追遠糧凡本縣之穀在貧在富若聚若散或貸或糶或奪無非為民食者必不容有藏蓄之理但公私貧富在在告匱不能不仰給於外今下路一帶麥已秋矣或那庫銀移文有麥所在官司買之或張榜文利誘販賣者庶可解此十日興水利本縣田多資陂堰灌溉之利近年水路不無湮塞者此雖不切今日之事設無早備又將有凶年似亦不可視為末務右所陳事宜夫豈狂生過計亦豈有為而為燦雖貧有門徒數人可以為食燦雖愚出位明戒亦嘗聞諸師友豈敢冒焉無忌而放誕至

此誠見夫溝壑與夫肆強觸法者情勢急迫且懼為大亂之漸是以拊心扼腕自蹈瀆犯而不辭耳更使重獲罪禍一邑之民命涵涵若此區區一身一家敢自愛乎哉愚直謂今日無賈生如賈生可作又豈但痛哭而已哉燦位乎官民之中處於貧富之間無饑迫無盜招無祿固無利圖宜不得不公生其地目擊其勢心熟其理宜其不得不明先民有言詢於芻蕘夫芻蕘之言未必皆公且明一一盡中也燦所陳設其不明不公猶足以方芻蕘亦安知其無一言之幾於理而無一足取乎哉凡蠕動含靈之物無罪就死地有仁心者所不忍也千百民命坐視其餓其亂其死而莫為之所誰則忍之顧知其狀者每病於無力而有力者又勢位高亢恒患於不知方今上承君托下係民命坐省以總方伯連帥郡縣之職得專制而可以盡行所志者惟臺下高明威愛負聖賢豪傑之望者惟臺下有愛民之心有經濟之略者惟臺下陳之倘不厭其煩且瀆而垂察焉亦既深者矣其肯置一民命於度外而不急急焉加之意乎士未達時孰不志伊學顏民胞物與以為天下度及得志民上鮮不更變於勢分者而臺下則非其人也燦敢引領翹足以俟施行若片言虛誑甘自辟首以謝欺詐之罪

嘉靖二十年甘露降於豐城之密嶺省志

嘉靖二十二年春正月朔南昌府五色雲見豐城縣同舊志

志 二月雨雹如栗杏大靖安縣志

嘉靖二十三年南昌旱大饑省志

嘉靖二十四年大饑蠲免稅糧豐城縣黃源出土曰仙米

饑民掘食之多病舊志 靖安學宮泮池開蓮花並蒂靖安

縣志 奉新大饑山村鋤蕨為食勸富民出米煮粥賑饑民

八千餘口減稅銀奉新縣志 進賢大饑免秋糧進賢縣志

嘉靖二十五年奉新生員徐栩家砌石上產靈芝長五層

奉新縣志

嘉靖二十九年夏四月豐城黃霧三日豐城縣志 寧州久

雨水入市壞田廬寧州志

嘉靖三十一年南昌府屬旱饑減免稅糧舊志 秋八月貢

院火豫章書 寧州安坪港水逆流至黃沙灘者一寧州志

嘉靖三十四年芝生於寧州義井巷周家寧州志

嘉靖三十五年夏四月南昌府屬大水饑免存留稅糧以

九江鈔關船料贛州鹽稅補給宗祿寧州火燬文廟儒學

舊志

嘉靖三十九年春三月雨木冰南昌府屬水饑靖安尤甚

免本府存留糧差仍以贛州鹽稅補給宗祿舊志

嘉靖四十年春正月豐城縣雨木冰三月大雨雪秋八月  
閩廣寇至舊志九月邑西桐葉皆生蟲狀如武弁豐城縣

志靖安大饑民食棕屑靖安縣志

按豐城縣志雨雪作雨雹大者如雞子小者如桃李

嘉靖四十一年夏四月至六月南昌府屬大水衝決民田

廬免秋糧舊志豐城城北百二十丈決堤二百三十餘丈

豐城縣志

嘉靖四十二年春二月進賢縣大雨雹舊志

嘉靖四十三年南昌府屬水免稅糧有差舊志

嘉靖四十四年南昌府屬饑改折兌米舊志寧州虎入市

秋大雨雹稼不成寧州志

嘉靖四十五年鐵柱宮有緋衣人乘雲下坐於宮上者數

日既而發火宮為燼明史五行志武寧饑武寧縣志

穆宗隆慶二年南昌旱民饑巡撫劉光濟奏免秋糧及改

折南京倉米舊志

隆慶四年寧州安坪港水逆流至黃沙灘者三寧州志

隆慶五年南昌府大雨雹舊志

神宗萬曆三年南昌地震旱省志

萬曆五年春三月奉新縣雨黑穀省志寧州城市火寧州

志

萬曆六年寧州雨黑穀 省志

萬曆七年進賢崇禮鄉生嘉禾一莖五穗 省志

萬曆十年春寧州大雨雹 寧州志

萬曆十二年寧州小流土忽有寶色如銀萬眾共取幾亂

燒煉不成乃止 寧州志

萬曆十四年春進賢鶴仙峯甘露降 省志 南昌府屬大水

蠲賑有差 奉新縣志

萬曆十五年南昌府屬大水饑知府范涑請弛長河魚禁

以予災民知縣何選蠲資施藥賑濟 舊志

萬曆十六年芝生南昌劉日寧家 豫章書 南昌府雨豆或

黑或斑味如銀杏秋七月武寧縣雨雪 省志 是歲饑蠲免

南昌及新建豐城進賢縣存留糧銀有差仍弛長河魚禁

舊志 寧州旱 寧州志

萬曆十七年南昌府屬自春三月不雨至秋七月疫 舊志

寧州產黑子形四方色如漆 寧州志 進賢不雨至秋大疫

進賢縣志

萬曆二十一年大旱饑 寧州志

萬曆二十二年正月朔儒學櫺星門橫枋自墜是年饑斗

米十五緡 寧州志

萬曆二十四年寧州芝生於濂溪書院太極堂 寧州志 進

賢工部侍郎饒位刑部侍郎饒伸之母劉氏壽百有四歲  
其族饒宇梁宇棟之母朱氏壽百歲鄉里稱為人瑞又金  
良輔家生並頭蓮

進賢縣志

萬曆二十五年武寧水

武寧縣志

萬曆二十六年武寧大水

武寧縣志

萬曆三十一年進賢三月甘露降於縣北邱溪里色如凍

蜜味甘

進賢縣志

萬曆三十二年冬十月九日南昌地震

省志

武寧大水

武

寧縣志

萬曆三十三年春正月南昌府火延及布政司譙樓并南

昌縣治民居千有餘家夏五月雷火焚德勝門城樓

省志

冬十二月龍見豐城田中身長四十餘丈頭似麟七日後

飛翔挾風雨而去

豫章書

按豐城志作三十二年

萬曆三十四年豐城縣旱災免正官覲秋九月南昌府治

廳堂火

舊志

萬曆三十五年秋九月進賢縣火燬民舍二千餘家

舊志

萬曆三十六年夏南昌府屬大水漂流民居禾盡沒南昌

新建進賢縣饑尤甚巡撫衛承芳奏改折兌糧并發倉粟  
賑之布政使陸長庚丁繼嗣採知府盧廷選知縣吳嘉謨

議弛長河漁禁以予災民舊志奉新八月大水上給賑濟

銀八百兩奉新縣志

萬曆三十七年夏南昌府屬大水巡撫衛承芳巡按顧造

奏請蠲恤舊志

萬曆三十八年武寧大水蝗武寧縣志進賢地震屋瓦有

聲進賢縣志

萬曆四十二年豐城水決二王廟堤七十丈豐城縣志進

賢大水邑中饑邑人熊明遇建議改折是時巡撫為王公

佐檄知縣錢公士貴詳議折兌之法給事喻致知具疏准

南糧全折北糧折十分之五每石止折二錢伍分進賢縣

志

萬曆四十四年夏五月豐城大水決馬湖堤三百餘丈漂

民廬舍壞洪橋豐城縣志

萬曆四十六年八月奉新等州縣蛟四出洪水橫流明史

五行志

萬曆四十七年寧州大水寧州志

萬曆四十八年六月進賢羅盤里凡塘中水午時溢高尺

餘至次午消癸丑金德潤登進士進賢縣志

熹宗天啟四年芝生於豐城學宮豐城縣志四月武寧星

隕石硯聲如雷其色黑武寧縣志

天啟五年進賢芝生金進士廳梁倒垂有莖有葉交織風吹則動一十七片色白而淡紅士大夫俱贈以詩賦

進賢

縣志武寧大饑

武寧縣志

天啟六年十二月寧州地震

寧州志

進賢田潦

進賢縣志

懷宗崇禎元年秋九月南昌自重陽酷熱下旬尤甚二十九之午暘不可言是夜無風自寒明日魚浮蔽江盡凍僵者

南昌縣志

崇禎四年辛未六月二十一日東湖水鬪若有兩物在下

推起中作噴湍

南昌縣志

秋七月十七日武寧地震

武寧

縣志

十八日南昌地震十月十一日地又震

省志

崇禎六年夏豐城南黑粟人種之生兩葉如劍狀

豐城縣志

崇禎九年南昌及各府大饑米騰貴民爭相搶奪巡撫解學龍禁之弗得以數人正法乃止

省志

八月寧州地震

寧

州志進賢潦

進賢縣志

崇禎十年晝晦

武寧縣志

崇禎十一年夏豐城大水

豐城縣志

崇禎十四年奉新正月雨木冰

奉新縣志

進賢大潦民饑

是年撫按題請改折南糧明年布政司經歷林之秀載穀七百石遍賑三陽北山梓陂諸處

進賢縣志

崇禎十五年豐城大疫 豐城縣志  
新縣志 奉新四月黃霧四塞 奉

崇禎十六年春三月菊花開 豐城縣志  
武寧火延燒城東

門內民舍二百餘家 武寧縣志

崇禎十七年虎東渡河至德勝門外 新建縣志  
武寧地震

有鳥如雞數百集縣西龜山飛去 武寧縣志

國朝

順治元年南昌五色雲見 省志

順治三年春芝草產於豐城登仙門外民舍 豐城縣志

順治五年大有年斗米銀三分 武寧縣志

順治七年進賢水奉

旨減正賦 進賢縣志

順治十一年武寧縣署王夫人祠產芝三本 武寧縣志

順治十四年甘露降於豐城縣署 豐城縣志

順治十五年八月南昌火延燒八百八十餘家 省志

巡撫張朝璘奏題為江民疊罹災變事該臣看得江右省城以凋殘之餘滿目荒涼兼水旱頻仍瘡痍未瘳經臣次第整頓多方撫集漸有起色其人烟稍稱轉集者惟廣惠二門及南塘灣蓼洲一帶耳比屋連楹貿易聚集似有可觀不意於十五年八月十一日汪得時家偶然失火自酉至寅延燒徹夜計地五里計戶八百八十六家時值久旱風高竟成燎原之勢臣親率標員斷截火路極力拯揀方獲撲滅幸而未至傷人從來祝融肆虐有之未有如此之甚者也哀此孑遺悲號之狀不忍見聞臣當即率屬脩省引咎祈禱一面撫慰被災之家一面捐貲三百兩行令道



府查其有力無力花戶分別賑給俾復居處之舊於是道府聽縣同心軫恤各有所捐巡南道僉事胡昇猷則捐二百兩南昌府知府羅長允推官龔必第各捐一百二十兩南昌縣知縣黎士毅捐銀一百二十五兩五錢共計賑恤過入百八十六戶共給過銀八百六十五兩五錢取其領狀在卷自賑給之後民居屢市煥然一新商民漸次復業雖捐賑無幾災民獲以免其流離臣等仰體皇上子惠元元之德意以稍盡救災恤患之職分耳其捐賑各官同心軫恤相應一併具題聽部查議以昭鼓勵者也順治十六年二月十二日題

順治十六年豐城武寧早巡撫張朝璘奏奉

旨蠲稅糧十之三

豐城武寧志

順治十八年五月豐城水巡撫張朝璘奏奉

旨蠲稅糧十之三

豐城縣志

康熙元年芝草叢生於豐城感山寺夏豐城寧州武寧旱

總督張朝璘巡撫董衛國奏奉

旨蠲稅糧十之三

豐城縣志

康熙三年豐城鶴村里杜母魏氏年百有二歲尚健無恙子二人長年八十五次六十八長婦九十士大夫皆贈以詩 皇華紀聞

康熙三年豐城秋旱九月甘露降於治東景福觀 豐城縣志

進賢寧州旱奉

旨蠲田賦十分之三

進賢寧州志

武寧大有年斗米銀三分

武寧縣志

康熙四年進賢寧州旱奉

旨蠲田賦十分之三

進賢寧州志

康熙五年夏四月牛產麟於南昌縣五十都三畝金臺里  
劉思彬集

進賢寧州早奉

旨蠲田賦十分之三

進賢寧州志

康熙六年進賢寧州水奉

旨蠲田賦十分之三

進賢寧州志

康熙八年寧州旱奉

旨蠲田賦十分之三

寧州志

康熙九年寧州旱奉

旨蠲田賦十分之三

寧州志

康熙十年南昌進賢寧州旱奉

旨蠲田賦十分之三

州縣志

九月新建鐵柱宮火

新建縣志

康熙十一年南昌府屬饑巡撫董衛國勘報奉

旨蠲免本年錢糧預發倉米賑濟

省志

康熙十三年新建寧州旱奉

旨蠲稅糧十分之三

新建寧州志

康熙十五年夏新建霪雨禾盡渰奉

旨蠲稅糧十分之三

新建縣志

康熙十六年夏寧州旱奉

旨蠲田賦十分之三

寧州志

旨蠲賑 省志 康熙十七年秋寧州及各縣旱巡撫佟國植勘報奉

旨蠲賑 省志 康熙十八年秋南昌等五十九州縣旱巡撫安世鼎勘報奉

旨蠲賑 省志 康熙十九年五月寧州大水漂沒田廬知州班衣錦申請題恤災民 寧州志

旨蠲賑 省志 康熙二十年夏新建等十四州縣水巡撫李士正勘報奉

旨蠲賑 省志 康熙二十一年夏南昌等十四州縣水巡撫佟康年勘報奉

旨蠲賑 省志 康熙二十六年秋寧州等十七州縣旱奉

旨蠲賑 省志 康熙二十七年秋寧州等十二州縣旱巡撫宋犖勘報奉

旨蠲賑 有差 通志 康熙二十八年秋新建等四十一州縣旱奉

旨蠲賑 有差 通志 康熙三十二年夏新建等十四州縣旱巡撫馬如龍勘報奉

南昌府志 卷二十八  
旨蠲賑 省志

康熙四十年南昌涂存恒妻熊氏壽至百歲巡撫張志棟題

旌

康熙四十二年夏寧州旱奉

旨蠲賦十分之三 寧州志

康熙四十三年大稔巡撫李基和自湖北布政使赴任過

湖口賈艘方載粟下江即官買之或更邀之轉左蠡入南

昌米價頓平而自買之粟徧發諸郡為粥以賑饑 新建縣志

志

康熙四十四年夏新建豐城等四縣水巡撫即廷極勘報

奉

旨蠲賑 省志

康熙四十八年豐城大稔 豐城縣志

康熙五十五年夏寧州武寧水巡撫佟國勳勘報奉

旨蠲賑 省志

康熙五十七年夏不雨巡撫白潢禱雨即應歲有秋 省志

康熙五十八年夏不雨祈禱如前甘霖立沛秋大稔 省志

康熙五十九年大有 省志

康熙六十年大有 省志

康熙六十一年大有 省志

雍正二年寧州大稔 寧州志

雍正三年大有 省志

雍正四年南昌新建豐城進賢等九縣秋禾有災蒙

恩旨蠲免糧銀二萬六千三百兩有奇被災屯銀一百兩有奇動

支節備倉暨院司道公捐以賑 省志

雍正七年夏新建縣民周士義妻夏氏一產三男 新建縣志

雍正八年大有

上以民俗和樂上蒙天休蠲免江省九年分錢糧四十萬兩寧州

邀免銀三千九十四兩一錢八分零 寧州志

雍正九年大有 省志

雍正十一年寧州高鄉三十六都農民廖常茂田一莖三穗粒如瓠子 寧州志

雍正十三年寧州大稔 寧州志

雍正十三年夏南昌監生朱中祿妻曹氏一產三男奉

旨恩賜布帛 南昌縣志 新建縣民朱正域壽百歲雍正年間

旌 新建縣志

乾隆元年春正月朔日彩雲覆於武寧太平山彌日乃散 武寧縣志

乾隆二年大有

乾隆三年大有

乾隆四年豐城李孟咸妻雷氏壽百歲題

旌 豐城縣志

乾隆七年夏五月甘露降於豐城學宮 豐城縣志

乾隆八年南昌鍾志延妻萬氏壽一百有三歲巡撫陳宏

謀題

旌 南昌縣志

乾隆八年饑巡撫陳宏謀設粥賑饑 南昌縣志

乾隆十三年武寧大有年 武寧縣志

乾隆十四年武寧大有年 武寧縣志

乾隆十六年八月南昌東鄉里民徐仲先妻萬氏一產三男奉

旨恩賜布米 南昌縣志 豐城縣民葛承環壽百歲題

旌 豐城縣志

乾隆十七年南昌陳克光妻壽百歲題

旌 南昌縣志 武寧大有年 武寧縣志

乾隆二十二年奉新陰伯宜妻譔氏壽百有二歲題

旌 奉新縣志

乾隆二十四年金縣知縣奉新進士宋一端妻劉氏壽百

南昌府志

卷二十一 祥異

歲新建民邱士瑗妻金氏壽百有一歲俱於是年題旌 兩縣志

乾隆二十八年秋武寧大熟 武寧縣志

乾隆二十九年南昌新建進賢三縣因江水驟漲窪地秋禾渰損奉

旨蠲賑共計蠲銀一千四百兩有奇賑銀二萬一千六百兩有奇 縣冊

乾隆三十二年武寧文仲源雨紅粒如珠居民呈獻稱瑞 武寧縣志 南昌新建進賢被水奉

旨蠲賑共計銀四千三百兩有奇賑銀一十二萬四百兩有奇

復於三十三年正月奉

旨將被災較重之極次貧民分別加賑兩月一月有差 縣冊

乾隆三十三年武寧夏不雨知縣黃泌率同官步行四十里抵石鑊洞禱雨秋稼大熟 武寧縣志

乾隆三十四年武寧麥穗兩岐 武寧縣志 六月南昌新建

進賢三縣瀕河地畝被水奉

旨蠲銀二千一百兩有奇賑銀八萬八千三百兩有奇復於三十五年正月奉

旨將被災較重之極次貧民分別加賑兩月一月有差 縣冊

乾隆三十五年南昌趙英也妻張氏壽百歲奉新周成德

南昌府志 卷二十八  
妻余氏壽百有五歲靖安漆能五妻李氏壽百歲俱於是年題

旌

乾隆三十六年南昌羅淑儀妻李氏壽百有五歲原籍撫州府宜黃縣人豐城熊擴衍妻李氏壽百有一歲俱於是年題

旌

乾隆三十八年寧州庠生丁元俊壽百歲題

旌四十五年恭遇

萬壽慶典時年百有七歲赴省隨班慶祝巡撫郝碩給匾咨部

乾隆四十年八月南昌縣民李菁妻梁氏一產三男奉

旨恩賜布米

乾隆四十三年武寧早秋稼大熟 武寧縣志

乾隆四十五年奉新胡斯紹妻陳氏壽百歲題

旌

乾隆四十六年六月南昌府屬不雨巡撫郝碩奏明南昌新建武寧奉新靖安借給籽種補栽雜糧復蒙

恩將南昌新建應徵錢糧及軍屯餘租緩至次年徵收

乾隆四十七年四月寧州民彭國治妻葉氏一產三男奉

旨恩賜布米 南昌民李益榮壽百有一歲題



旌 新建民熊孟源壽百歲題

旌

乾隆四十八年南昌新建豐城進賢被水晚禾淹損巡撫

郝碩奏明奉

恩旨借給籽種

乾隆四十九年新建縣民人黎獻文妻熊氏一產三男奉

旨恩賜銀米

乾隆五十三年南昌新建進賢三縣瀕湖地畝被水巡撫

何裕城奏明奉

旨蠲銀三千六百七十八兩六錢五分八厘賑銀一十二萬四

千四百七十六兩二錢二分八厘搭放穀二萬三千五百  
九十一石八斗二升

乾隆五十四年南昌縣監生鄧萬敷妻萬氏俱現存七十  
八歲子里校等五人孫國垣等十六人曾孫咸謨等三人  
咸謨生子名沐恩萬敷夫婦偕老五世一堂

熙朝上瑞鄉里榮之現在呈請

旌表 寧州張勝質妻劉氏壽百歲

以上據冊新增

以上縣界餘

南昌新建豐城進賢被水晚禾淹損

蘇夷 寧州夷烈贊妻陸刃壽百歲

無障土謝深里榮文與并呈請

烈婦于平谷水恩萬姨夫被雷于五卅一室

一產三男奉

八歲于里蘇善正人終國世等十六人曾終烈婦等三人

算對正十四半南昌縣盤土瀆萬姨妻萬刃財與谷十

氏十一百八十一代

于四百十六兩二錢二分八厘計效錄二萬三千五百

